অষ্টম অধ্যায়

ত্রিকোণমিতি

(Trigonometry)

ত্রিকোণমিতি শব্দটি বিশ্লেষণ করলে পাওয়া যায় 'ত্রিকোণ' এবং 'মিতি'। ত্রিকোণ বলতে তিনটি কোণ এবং মিতি বলতে পরিমাপ বুঝায়। ইংরেজিতে ত্রিকোণমিতিকে '*Trigonometry*' লেখা হয়। এটি বিশ্লেষণেও পাওয়া যায় '*Trigon*' এবং '*Metry*' । '*Trigon*' গ্রীক শব্দ দ্বারা তিনটি কোণ যা ত্রিভুজ এবং '*Metry*' দ্বারা পরিমাপ বুঝায়।

সাধারণভাবে ত্রিকোণমিতি বলতে তিনটি কোণের পরিমাপ বুঝায়। ব্যবহারিক প্রয়োজনে ত্রিভুজের তিনটি কোণ ও তিনটি বাহুর পরিমাপ এবং এদের সাথে সম্পর্কিত বিষয়ের আলোচনা থেকেই ত্রিকোণমিতির সূত্রপাত হয়। যেমন, একটি গাছের ছায়ার সাহায্যে গাছটির উচ্চতা, নদীর একপারে দাঁড়িয়ে নদীর বিস্তার নির্ণয়, কোণাকার জমির ক্ষেত্রফল নির্ণয় ইত্যাদি ক্ষেত্রে ত্রিকোণমিতির ব্যবহার অতিপ্রাচীন ও জনপ্রিয়। এ ছাড়া, গণিতের বা বিজ্ঞানের প্রতিটি শাখায় ত্রিকোণমিতির ব্যাপক ব্যবহার রয়েছে। তাই ত্রিকোণমিতির আলোচনা গণিতের একটি অতীব গুরুত্বপূর্ণ বিষয় হিসেবে সুপ্রতিষ্ঠিত। ত্রিকোণমিতির আলোচনা দুইটি শাখায় বিভক্ত। একটি সমতলীয় ত্রিকোণমিতি (*Plane Trigonometry*) এবং অন্যটি গোলকীয় ত্রিকোণমিতি (*Spherical Trigonometry*)। বর্তমান আলোচনা শুধুমাত্র সমতলীয় ত্রিকোণমিতির মধ্যে সীমাবদ্ধ থাকবে।

অধ্যায় শেষে শিক্ষার্থীরা–

- রেডিয়ান পরিমাপের ধারণা ব্যাখ্যা করতে পারবে।
- রেডিয়ান পরিমাপ ও ডিগ্রি পরিমাপের পারস্পরিক সম্পর্ক নির্ণয় করতে পারবে।
- চারটি চতুর্ভাগে ত্রিকোণমিতিক অনুপাতসমূহের চিহ্ন নির্দেশ করতে পারবে।
- অনূর্ধ্ব 2π কোণের ত্রিকোণমিতিক অনুপাত নির্ণয় করতে পারবে।
- $-\theta$ কোণের ত্রিকোণমিতিক অনুপাত নির্ণয় করতে পারবে।
- পূর্ণসংখ্যা $n(n \le 4)$ এর জন্য $\left(\frac{n\pi}{2} \pm \theta\right)$ কোণের ত্রিকোণমিতিক অনুপাত নির্ণয় ও প্রয়োগ করতে পারবে।
- সহজ ত্রিকোণমিতিক সমীকরণের সমাধান করতে পারবে।

৮·১ জ্যামিতিক কোণ ও ত্রিকোণমিতিক কোণ

জ্যামিতিক কোণ এবং ত্রিকোণমিতিক কোণের আলোচনার সুবিধার্থে আমরা XY সমতলে পরস্পর সমকোণে ছেদ করে এরূপ একজোড়া সরলরেখা XOX' এবং YOY' অঙ্কন করি। রেখাদ্বয় O বিন্দুতে ছেদ করায় (চিত্র ৮.১) যে চারটি সমকোণ উৎপন্ন হয়েছে তাদের প্রত্যেকটির অভ্যন্তরকে একটি চতুর্ভাগ *(Quadrant)* বলা হয়।

OX রেখা থেকে ঘড়ির কাঁটার বিপরীত দিকে ঘুরতে থাকলে প্রথম সমকোণের ($\angle XOY$ এক সমকোণ) অভ্যন্তরকে প্রথম চতুর্ভাগ (*First quadrant*) এবং একইভাবে ঘুরতে থাকলে দ্বিতীয় ($\angle YOX'$) , তৃতীয়

$(\angle XOY')$ এবং চতুর্থ $(\angle Y'OX)$ সমকোণের অভ্যন্তরসমূহকে যথাক্রমে দ্বিতীয়, তৃতীয় ও চতুর্থ চতুর্ভাগ বলা হয় (চিত্র ৮.১)।

জ্যামিতিক ধারণা অনুসারে দুইটি ভিন্ন রশ্মি একটি বিন্দুতে মিলিত হলে ঐ বিন্দুতে একটি কোণ উৎপন্ন হয়েছে বলে ধরা হয়। কিন্তু ত্রিকোণমিতিতে একটি স্থির রশ্মির সাপেক্ষে অপর একটি ঘূর্ণায়মান রশ্মির বিভিন্ন অবস্থানে বিভিন্ন কোণ বিবেচনা করা হয়।



চিত্র : ৮.১

মনে করি, OA একটি ঘূর্ণায়মান রশ্মি এবং এটি শুরুতে OX স্থির রশ্মির অবস্থান থেকে ঘড়ির কাঁটা যেদিকে ঘুরে তার বিপরীত (*Anticlockwise*) দিকে ঘুরছে। OA রশ্মি প্রথমে OA_1 অবস্থানে এসে XOA_1 সূক্ষ্মকোণ উৎপন্ন করে এবং প্রথম চতুর্ভাগে থাকে এবং পরে যখন OX এর সাথে লম্বভাবে OY অবস্থানে আসে তখন XOY কোণের পরিমাপ 90° বা এক সমকোণ হয়। OA রশ্মিটি একই দিকে আরও কিছু ঘুরে যখন OA_2 অবস্থানে আসে তখন XOA_2 কোণটি স্থূলকোণ। একইভাবে ঘুরে যখন OA রশ্মি OX এর ঠিক বিপরীত দিকে OX' অবস্থানে থাকে, তখন উৎপন্ন কোণ XOX' একটি সরলকোণ বা দুই সমকোণ। OA রশ্মি যখন সম্পূর্ণরূপে ঘুরে ঠিক আগের অবস্থানে আসে অর্থাৎ OX এর সাথে মিলিত হয় তখন মোট উৎপন্ন কোণের পরিমাণ দুই সরলকোণ বা চার সমকোণ হয়।

জ্যামিতিতে কোণের আলোচনা দুই সরলকোণ পর্যন্ত সীমিত রাখা হয় এবং এরূপ জ্যামিতিক ও ত্রিকোণমিতিক কোণের মধ্যে কোনো পার্থক্য নাই। কিন্তু যদি মনে করা হয় যে, OA রশ্মিটি সম্পূর্ণরূপে একবার ঘুরার পর আরও কিছু বেশি ঘুরে XOA_1 অবস্থানে গেল, তখন উৎপন্ন XOA_1 কোণের পরিমাণ চার সমকোণ অপেক্ষা বৃহত্তর। এরূপ ঘূর্ণনের ফলে ত্রিকোণমিতিতে আরও বৃহত্তর কোণ উৎপন্ন হতে পারে। কিন্তু সমতল জ্যামিতিতে চার সমকোণের চেয়ে বেশি ধারণা করা যায় না।

OA রশ্মির আদি অবস্থান XOX কোণকে জ্যামিতিতে কোণ বলে গণ্য করা হয় না, কিন্তু ত্রিকোণমিতিতে XOX কোণের পরিমাণ শূন্য ধরা হয়।

৮·৩ ধনাত্মক ও ঋণাত্মক কোণ :

উপরোক্ত আলোচনায় আমরা OA রশ্মিকে (চিত্র ৮.১) ঘড়ির কাঁটার বিপরীত দিকে ঘুরিয়েছি এবং OA রশ্মি দ্বারা বিভিন্ন চতুর্ভাগে উৎপন্ন কোণসমূহকে ধনাত্মক কোণ হিসাবে বিবেচনা করেছি। সুতরাং কোনো রশ্মিকে ঘড়ির কাঁটার বিপরীত দিকে *(Anticlockwise)* ঘুরালে উৎপন্ন কোণকে ধনাত্মক (*Positive*) কোণ বলা হয় এবং কোনো রশ্মিকে ঘড়ির কাঁটার দিকে (*Clockwise*) ঘুরালে উৎপন্ন কোণকে ঋণাত্মক ((*Negative*) কোণ বলা হয়।

তাই, উপরের আলোচনা থেকে বলা যায় একটি ধনাত্মক কোণের পরিমাপ 90° অপেক্ষা কম হলে ১ম চতুর্ভাগে থাকবে। আবার 360° ও 450° এর মধ্যে থাকলেও কোণটি ১ম চতুর্ভাগেই থাকবে। একইভাবে কোনো ধনাত্মক কোণের মান 180° ও 270° এর মধ্যে থাকলে কোণটি ৩য় চতুর্ভাগে, 90° থেকে 180° এর মধ্যে থাকলে ২য় চতুর্ভাগে এবং 270° ও 360° এর মধ্যে থাকলে ৪র্থ চতুর্ভাগে থাকবে। অনুরূপভাবে একটি ঋণাত্মক কোণের পরিমাপ -90° থেকে 0° মধ্যে থাকলে ৪র্থ চতুর্ভাগে, -180° থেকে -90° এর মধ্যে ৩য় চতুর্ভাগে, -270° থেকে -180° এর মধ্যে ২য় চতুর্ভাগে ও -360° থেকে -270° এর মধ্যে হলে ১ম চতুর্ভাগে থাকবে। 180° ও 360° বা এর যেকোনো পূর্ণসাংখ্যিক গুণিতক XOX' রেখার এবং 90° ও 270° বা এদের যেকোনো পূর্ণসাংখ্যিক গুণিতক YOY' রেখার (চিত্র ৮.১) উপর অবস্থান করবে।

চিত্র : ৮.১ নং চিত্রে $\angle AOA_1$ ১ম চতুর্ভাগে, $\angle AOA_2$ ২য় চতুর্ভাগে, $\angle AOA_3$ ৩য় চতুর্ভাগে এবং $\angle AOA_4$ ৪র্থ চতুর্ভাগে অবস্থান করে।

উদাহরণ ১। (i) 430° ও (ii) 545° কোণদ্বয়ের অবস্থান কোন চতুর্ভাগে নির্ণয় কর।

$$430^\circ = 360^\circ + 70^\circ = 4\times 90^\circ + 70^\circ$$

430° কোণটি ধনাত্মক কোণ এবং 4 সমকোণ অপেক্ষা বড় কিন্তু 5 সমকোণ অপেক্ষা ছোট। সুতরাং 430° কোণটি উৎপন্ন করার জন্য কোনো রশ্মিকে 4 সমকোণ বা একবার সম্পূর্ণ ঘুরার পর আরও 70° ঘুরতে হয়েছে (চিত্র : ৮.২)। তাই 430° কোণটি ১ম চতুর্ভাগে অবস্থান করে।



চিত্র : ৮.২

(ii) $545^\circ = 540^\circ + 5^\circ = 6\times 90^\circ + 5^\circ$

545° কোণটি ধনাত্মক এবং 6 সমকোণ অপেক্ষা বৃহত্তর কিন্তু 7 সমকোণ অপেক্ষা ক্ষুদ্রতর। 545° কোণটি উৎপন্ন করতে ঘড়ির কাঁটার বিপরীত দিকে কোনো রশ্মিকে 6 সমকোণ বা একবার সম্পূর্ণ ঘুরে আদি অবস্থানে আসার পর আরও দুই সমকোণের চেয়ে 5° বেশি ঘুরতে হয়েছে (চিত্র : ৮.৩)।

সুতরাং 545° কোণটি তৃতীয় চতুর্ভাগে অবস্থান করে।



চিত্র : ৮.৩

> **কাজ :** 330°, 535°, 777° ও 1045° কোণসমূহ কোণ চতুর্ভাগে অবস্থান করে তা চিত্রসহ দেখাও।

উদাহরণ ২। $(i) -520^\circ$ ও $(ii) -750^\circ$ কোণদ্বয় কোন চতুর্ভাগে আছে নির্ণয় কর।

$$(i) -520^\circ = -450^\circ - 70^\circ = -5\times 90^\circ - 70^\circ$$

-520° একটি ঋণাত্মক কোণ। -520° কোণটি উৎপন্ন করতে কোনো রশ্মিকে ঘড়ির কাঁটার দিকে একবার সম্পূর্ণ ঘুরে একই দিকে আরো এক সমকোণ বা 90° এবং 70° ঘুরে তৃতীয় চতুর্ভাগে আসতে হয়েছে (চিত্র : ৮.৪)। সুতরাং, -540° কোণটি তৃতীয় চতুর্ভাগে অবস্থান করছে।



চিত্র : ৮.৪

$$(ii) -750^\circ = -720^\circ - 30^\circ = -8\times 90^\circ - 30^\circ$$

-750° কোণটি ঋণাত্মক কোণ এবং ঘড়ির কাঁটার দিকে দুইবার সম্পূর্ণ (8 সমকোণ) ঘুরার পর একই দিকে আরও 30° ঘুরতে হয়েছে (চিত্র ৮.৫)।

$\therefore -750^\circ$ কোণটির অবস্থান চতুর্থ চতুর্ভাগে।



চিত্র : ৮.৫

> **কাজ :** $-100^\circ, -365^\circ, -720^\circ$ ও 1320° কোণসমূহ কোন চতুর্ভাগে আছে, চিত্রসহ নির্ণয় কর।

৮·৪। কোণ পরিমাপের একক

কোনো কোণের মান বা পরিমাণ নির্ণয়ে সাধারণত দুই প্রকার একক (*Unit*) পদ্ধতি ব্যবহার করা হয় :
(১) ষাটমূলক পদ্ধতি (*Sexagesimal System*) ও
(২) বৃত্তীয় পদ্ধতি (*Circular System*)।

(১) ষাটমূলক পদ্ধতি : ষাটমূলক পদ্ধতিতে সমকোণকে কোণ পরিমাপের একক ধরা হয়। এই পদ্ধতিতে এক সমকোণ বা 90° কে সমান 90 ভাগে বিভক্ত করে প্রতি ভাগকে এক ডিগ্রী ($1^\circ = One\ degree$) ধরা হয়।

এক ডিগ্রিকে সমান 60 ভাগ করে প্রতিভাগকে এক মিনিট ($1' = One\ Minute$) এবং এক মিনিটকে সমান 60 ভাগ করে প্রতি ভাগকে এক সেকেন্ড ($1'' = One\ Secound$) ধরা হয়।

অর্থাৎ, $60''$ (সেকেন্ড) $= 1'$ (মিনিট)
$60'$ (মিনিট) $= 1^\circ$ (ডিগ্রি)
90° (ডিগ্রি) $= 1$ সমকোণ।

বৃত্তীয় পদ্ধতি সম্পর্কে জানার পূর্বে রেডিয়ান সম্পর্কে জানা দরকার।

রেডিয়ান : কোনো বৃত্তের ব্যাসার্ধের সমান চাপ ঐ বৃত্তের কেন্দ্রে যে কোণ উৎপন্ন করে সেই কোণকে এক রেডিয়ান কোণ বলে।



চিত্র : ৮.৬

চিত্রে PQR বৃত্তের কেন্দ্র O, বৃত্তের ব্যাসার্ধ $OP = r$ এবং ব্যাসার্ধের সমান চাপ PQ। PQ চাপ কেন্দ্র O তে $\angle POQ$ উৎপন্ন করেছে। উক্ত কোণের পরিমাণই এক রেডিয়ান। অর্থাৎ $\angle POQ$ এক রেডিয়ান।

(২) বৃত্তীয় পদ্ধতি : বৃত্তীয় পদ্ধতিতে এক রেডিয়ান (*Radian*) কোণকে কোণ পরিমাপের একক ধরা হয়।

কোণের ডিগ্রী পরিমাপ ও রেডিয়ান পরিমাপের সম্পর্ক নির্ণয়ের জন্য নিম্নোক্ত প্রতিজ্ঞাসমূহ এবং কোণের বৃত্তীয় পরিমাপ সম্পর্কে জানা প্রয়োজন।

প্রতিজ্ঞা ১ : যেকোনো দুইটি বৃত্তের স্ব–স্ব পরিধি ও ব্যাসের অনুপাত সমান।

প্রমাণ : মনে করি, প্রদত্ত বৃত্ত দুইটি সমকেন্দ্রিক এবং উভয়ের কেন্দ্র O। বৃহত্তর বৃত্তটির পরিধি P ও ব্যাসার্ধ R এবং ক্ষদ্রতর বৃত্তটির পরিধি p ও ব্যাসার্ধ r (চিত্র : ৮.৭)। এখন বৃহত্তর বৃত্তটিকে n সংখ্যক ($n > 1$) সমান ভাগে বিভক্ত করি। কেন্দ্রের সাথে বিভক্ত বিন্দুগুলো যোগ করলে ক্ষুদ্রতর বৃত্তটিও n সংখ্যক সমান ভাগে বিভক্ত হবে। উভয় বৃত্তে বিভক্ত বিন্দুগুলো পরস্পর সংযুক্ত করি।

ফলে প্রত্যেক বৃত্তে n সংখ্যক বাহুবিশিষ্ট একটি সুসম বহুভুজ অন্তর্লিখিত হল (বৃহত্তর বৃত্তে $ABCD$.......... ও ক্ষুদ্রতর বৃত্তে $abcd$.......)।

এখন ΔOAB এবং ΔOab সদৃশ, কারণ, $\angle AOB$ এবং $\angle aOb$ [সাধারণ কোণ] এবং উভয় ত্রিভুজ সমদ্বিবাহু বলে বাহু সংলগ্ন কোণগুলো সমান।

$\therefore \quad \frac{AB}{ab} = \frac{OA}{oa} = \frac{OB}{ob} = \frac{R}{r}$

অনুরূপভাবে,

$\frac{BC}{bc} = \frac{R}{r}, \frac{CD}{cd} = \frac{R}{r}$, ইত্যাদি।

$\therefore \frac{AB}{ab} = \frac{BC}{bc} = \frac{CD}{cd} = \text{.........} = \frac{R}{r}$



$\therefore \quad \frac{AB + BC + CD + \text{...........}}{ab + bc + cd + \text{...............}} = \frac{R + R + R + \text{......}}{r + r + r + \text{.........}} = \frac{nR}{nr} = \frac{R}{r} = \frac{2R}{2r} \text{.......... (1)}$

চিত্র : ৮.৭

n যদি যথেষ্ট বড় হয় $(n \to +\infty)$ তাহলে AB, BC, CD.......... রেখাংশসমূহ অত্যন্ত ক্ষুদ্র হবে এবং মনে হবে সবাই বৃত্তের ছোট ছোট চাপ।

সুতরাং এক্ষেত্রে,

$AB + BC + CD + \text{............}$ ≈ বৃহত্তর বৃত্তের পরিধি P

এবং $ab + bc + cd + \text{..........}$ ≈ ক্ষুদ্রতর বৃত্তের পরিধি p

$\therefore$ সমীকরণ (১) হতে পাই,

$$\frac{P}{p} = \frac{2R}{2r}$$

অর্থাৎ, $\frac{P}{2R} = \frac{p}{2r}$

অর্থাৎ, $\frac{\text{বৃহত্তর বৃত্তের পরিধি}}{\text{বৃহত্তর বৃত্তের ব্যাস}} = \frac{\text{ক্ষুদ্রত্তর বৃত্তের পরিধি}}{\text{ক্ষুদ্রত্তর বৃত্তের ব্যাস}}$

$\therefore$ যেকোনো দুইটি বৃত্তের পরিধি ও ব্যাসের অনুপাত সমান। (প্রমাণিত)

প্রতিজ্ঞা (১) এর আলোকে মন্তব্য ও অনুসিদ্ধান্ত :

মন্তব্য : ১। যেকোনো বৃত্তের পরিধি ও ব্যাসের অনুপাত সবসময় সমান ও একই ধ্রুব সংখ্যা। এ ধ্রুব সংখ্যাটিকে গ্রিক বর্ণ π (পাই) দ্বারা প্রকাশ করা হয়। π একটি অমূলদ সংখ্যা এবং দশমিকে প্রকাশ করলে এটি একটি অন্তহীন অপৌনঃপুনিক সংখ্যা ($\pi = 3 \cdot 1415926535897932$........)।

মন্তব্য ২ : সাধারণত চার দশমিক স্থান পর্যন্ত π এর আসন্ন মান $\pi = 3 \cdot 1416$ ব্যবহার করা হয়। কম্পিউটারের সাহায্যে π এর মান সহস্র লক্ষাধিক দশমিক স্থান পর্যন্ত নির্ণীত হয়েছে। যেহেতু π এর আসন্ন মান ব্যবহার করা হয় সেহেতু উত্তরও হবে আসন্ন। তাই উত্তরের পাশে 'প্রায়' লেখা অবশ্য কর্তব্য। পরবর্তী সমস্ত কাজে অন্য কোনোরূপ বলা না থাকলে চার দশমিক স্থান পর্যন্ত π এর আসন্ন মান $3 \cdot 1416$ ব্যবহার করা হবে।

অনুসিধান্ত : বৃত্তের ব্যাসার্ধ 'r' হলে, পরিধি হবে $2\pi r$ ।

প্রতিজ্ঞা ১ এর আলোকে আমরা জানি,

$$\frac{\text{পরিধি}}{\text{ব্যাস}} = \text{ধ্রুবসংখ্যা } \pi$$

বা, পরিধি $= \pi \times$ ব্যাস

$= \pi \times 2r$ [ব্যাস $= 2r$]

$= 2\pi r$

$\therefore$ r ব্যাসার্ধ বিশিষ্ট যেকোনো বৃত্তের পরিধি $2\pi r$।

প্রতিজ্ঞা ২ : বৃত্তের কোনো চাপের ওপর দণ্ডায়মান কেন্দ্রস্থ কোণ ঐ বৃত্তচাপের সমানুপাতিক।



চিত্র : ৮.৮

মনে করি, ABC বৃত্তের কেন্দ্র O এবং ব্যাসার্ধ OB। P বৃত্তের উপর অন্য একটি বিন্দু। ফলে BP বৃত্তের একটি চাপ এবং $\angle POB$ বৃত্তের একটি কেন্দ্রস্থ কোণ।

তাহলে, কেন্দ্রস্থ $\angle POB$, চাপ BP.এর সমানুপাতিক হবে।

অর্থাৎ, কেন্দ্রস্থ $\angle POB \propto$ চাপ BP।

প্রতিজ্ঞা ৩ : রেডিয়ান কোণ একটি ধ্রুব কোণ।

বিশেষ নির্বচন : মনে করি, O কেন্দ্রবিশিষ্ট ABC বৃত্তে $\angle POB$ একটি রেডিয়ান কোণ। প্রমাণ করতে হবে যে, $\angle POB$ একটি ধ্রুব কোণ।

অঙ্কন : OB রেখাংশের (ব্যাসার্ধের) ওপর OA লম্ব আঁকি।

প্রমাণ :



চিত্র : ৮.৯

OA লম্ব বৃত্তের পরিধিকে A বিন্দুতে ছেদ করে।

তাহলে চাপ AB = পরিধির এক–চুতর্থাংশ

$$= \frac{1}{4} \times 2\pi r = \frac{\pi r}{2}$$

এবং চাপ PB = ব্যাসার্ধ r [$\angle POB$ = এর রেডিয়ান]

প্রতিজ্ঞা ২ থেকে পাই,

$$\frac{\angle POB}{\angle AOB} = \frac{\text{চাপ } PB}{\text{চাপ } AB}$$

$$\therefore \quad \angle POB = \frac{\text{চাপ } PB}{\text{চাপ } AB} \times \angle AOB = \frac{r}{\frac{\pi r}{2}} \times \text{ এক সমকোণ}$$ [OA ব্যাসার্ধ এবং OB এর উপর লম্ব]

$$= \frac{2}{\pi} \text{ সমকোণ।}$$

যেহেতু সমকোণ ও π ধ্রুবক সেহেতু $\angle POB$ একটি ধ্রুবক কোণ। (প্রমাণিত)

৮·৫ কোণের বৃত্তীয় পরিমাপ

সংজ্ঞা : বৃত্তীয় পদ্ধতিতে (*Circular System*) অর্থাৎ, রেডিয়ান এককে কোনো কোণের পরিমাপকে তার বৃত্তীয় পরিমাপ (*Circular measure*) বলা হয়।

মনে করি, $\angle MON$ যেকোনো একটি কোণ যার বৃত্তীয় পরিমাপ নির্ণয় করতে হবে। O বিন্দুকে কেন্দ্র করে $OA = r$ ব্যাসার্ধ নিয়ে একটি বৃত্ত অঙ্কন করি।



চিত্র : ৮.১০

বৃত্তটি OM ও ON কে যথাক্রমে A ও B বিন্দুতে ছেদ করে। তাহলে AB চাপ দ্বারা উৎপন্ন কেন্দ্রস্থ কোণ $\angle AOB$। ব্যাসার্ধ r এর সমান করে AP চাপ নিই (চাপ ও ব্যাসার্ধ একই এককে হতে হবে)।

তাহলে, $\angle AOP = 1$ রেডিয়ান।

ধরি চাপ $AB = s.$



চিত্র : ৮.১১

প্রতিজ্ঞা 2 অনুযায়ী,

$$\frac{\angle MON}{\angle AOP} = \frac{\text{চাপ } AB}{\text{চাপ } AP} = \frac{\text{চাপ } AB}{\text{ব্যাসার্ধ } OA} = \frac{s}{r}$$

$$\therefore \quad \angle MON = \frac{s}{r} \times \angle AOP$$

$$= \frac{s}{r} \times 1 \text{ রেডিয়ান} = \frac{s}{r} \text{ রেডিয়ান।}$$

$\therefore$ $\angle MON$ এর বৃত্তীয় পরিমাপ $\frac{s}{r}$, যেখানে কোণটি তার শীর্ষবিন্দুকে কেন্দ্র করে এবং r ব্যাসার্ধ নিয়ে অঙ্কিত বৃত্তে s পরিমাণ চাপ খন্ডিত করে।

প্রতিজ্ঞা ৪। r ব্যাসার্ধের কোনো বৃত্তে s দৈর্ঘ্যের কোনো চাপ কেন্দ্রে θ পরিমাণ কোণ উৎপন্ন করলে $s = r\theta$ হবে।



চিত্র : ৮.১২

বিশেষ নির্বচন : মনে করি, O কেন্দ্রবিশিষ্ট ABC বৃত্তের ব্যাসার্ধ $OB = r$ একক, চাপ $AB = s$ একক এবং AB চাপ দ্বারা উৎপন্ন কেন্দ্রস্থ $\angle AOB = \theta^c$ । প্রমাণ করতে হবে যে, $s = r\theta$ ।

অঙ্কন : O বিন্দুকে কেন্দ্র করে OA বা OB এর সমান ব্যাসার্ধ নিয়ে ABC বৃত্ত অঙ্কন করি। B বিন্দুকে কেন্দ্র করে OB এর সমান ব্যাসার্ধ বিশিষ্ট BP চাপ আঁকি যেন তা ABC বৃত্তের পরিধিকে P বিন্দুতে ছেদ করে। O, P যোগ করি।

প্রমাণ : অঙ্কন অনুসারে $\angle POB = 1^c$

আমরা জানি, কোনো বৃত্তচাপ দ্বারা উৎপন্ন কেন্দ্রস্থ কোণ ঐ বৃত্তচাপের সমানুপাতিক।

$$\therefore \frac{\text{চাপ } AB}{\text{চাপ } PB} = \frac{\angle AOB}{\angle POB}$$

$$\text{বা } \frac{s \text{ একক}}{r \text{ একক}} = \frac{\theta^c}{1^c}$$

$$\text{বা } \frac{s}{r} = \theta$$

$\therefore s = r\theta.$ [প্রমাণিত]

৮·৬ কোণের ডিগ্রি পরিমাপ ও রেডিয়ান (বৃত্তীয়) পরিমাপের সম্পর্ক

প্রতিজ্ঞা ৩ (চিত্র ৮.৯) এর রেডিয়ান কোণের বর্ণনায় আমরা পাই,

$$1 \text{ রেডিয়ান} = \frac{2}{\pi} \text{ সমকোণ}$$

অর্থা, $1^c = \dfrac{2}{\pi}$ সমকোণ। [1 রেডিয়ান $= 1^c$]

$$\therefore 1 \text{ সমকোণ} = \left(\frac{\pi}{2}\right)^c$$

$$\text{বা, } 90^\circ = \left(\frac{\pi}{2}\right)^c$$

$$\therefore \quad 1^\circ = \left(\frac{\pi}{180}\right)^c \text{ এবং } 1^c = \left(\frac{180}{\pi}\right)^\circ$$

লক্ষণীয় :

(i) $90^\circ = 1$ সমকোণ $= \dfrac{\pi}{2}$ রেডিয়ান $= \left(\dfrac{\pi}{2}\right)^c$

অর্থাৎ, $180^\circ = 2$ সমকোণ $= \pi$ রেডিয়ান π^c.

(ii) ষাটমুলক ও বৃত্তীয় পদ্ধতিতে একটি কোণের পরিমাপ যথাক্রমে D° ও R^c হলে

$$D^\circ = \left(D \times \frac{\pi}{180}\right)^c = R^c$$

অর্থাৎ, $D \times \frac{\pi}{180} = R$

বা, $\frac{D}{180} = \frac{R}{\pi}$.

উপরোক্ত আলোচনা থেকে বহুল ব্যবহৃত কোণসমূহের ডিগ্রি ও রেডিয়ানের সম্পর্ক দেওয়া হলো :

(i) $1^\circ = \left(\frac{\pi}{180}\right)^c$

(ii) $30^\circ = \left(30 \times \frac{\pi}{180}\right)^c = \left(\frac{\pi}{6}\right)^c$

(iii) $45^\circ = \left(45 \times \frac{\pi}{180}\right)^c = \left(\frac{\pi}{4}\right)^c$

(iv) $60^\circ = \left(60 \times \frac{\pi}{180}\right)^c = \left(\frac{\pi}{3}\right)^c$

(v) $90^\circ = \left(90 \times \frac{\pi}{180}\right)^c = \left(\frac{\pi}{2}\right)^c$

(vi) $180^\circ = \left(180 \times \frac{\pi}{180}\right)^c = \pi^c$

(vii) $360^\circ = \left(360 \times \frac{\pi}{180}\right)^c = (2\pi)^c$

ব্যবহারিক ক্ষেত্রে রেডিয়ান প্রতীক (c) সাধারণত লিখা হয় না। সংক্ষেপে (রেডিয়ান প্রতীক উহ্য রেখে)

$1^\circ = \frac{\pi}{180}$, $30^\circ = \frac{\pi}{6}$, $45^\circ = \frac{\pi}{4}$, $60^\circ = \frac{\pi}{3}$, $90^\circ = \frac{\pi}{2}$, $180^\circ = \pi$, $360^\circ = 2\pi$ ইত্যাদি।

দ্রষ্টব্য ১ : $1^\circ = \left(\frac{\pi}{180}\right)^c = 0 \cdot 01745^c$ আসন্ন পাঁচ দশমিক স্থান পর্যন্ত)

$1^c = \left(\frac{180}{\pi}\right)^\circ = 57 \cdot 29578^c$ (আসন্ন পাঁচ দশমিক স্থান পর্যন্ত) = $57^\circ 17' 44 \cdot 81''$.

এক্ষেত্রে π এর আসন্ন মান $3 \cdot 1416$ ব্যবহার করা হয়েছে।

দ্রষ্টব্য ২ : নীচের সমস্ত উদাহরণ এবং সমস্ত সমস্যার π এর আসন্ন মান চারদশমিক স্থান $(\pi = 3 \cdot 1416)$ পর্যন্ত ব্যবহার করা হবে। π এর আসন্ন মান ব্যবহৃত হলে উত্তরে অবশ্যই 'প্রায়' কথাটি লিখতে হবে।

উদাহরণ ৩।

(i) $30^\circ 12' 36''$ কে রেডিয়ানে প্রকাশ কর।

(ii) $\frac{3\pi}{13}$ কে ডিগ্রি, মিনিট ও সেকেন্ডে প্রকাশ কর।

সমাধান :

(i) $30^\circ 12' 36'' = 30^\circ\left(12\frac{36}{60}\right)' = 30^\circ\left(12\frac{3}{5}\right)' = 30^\circ\left(\frac{63}{5}\right)'$

$$= \left(30\frac{63}{5\times 60}\right)^\circ = \left(30\frac{21}{100}\right)^\circ = \left(\frac{3021}{100}\right)^\circ$$

$$= \frac{3021}{100}\times\frac{\pi}{180} \text{ রেডিয়ান } \left[\because 1^\circ = \frac{\pi^c}{180}\right]$$

$$= \frac{3021\pi}{18000} = \cdot 5273 \text{ রেডিয়ান (প্রায়)}$$

$$\therefore\ 30^\circ 12' 36'' = \cdot 5273^c \text{ (প্রায়)}$$

(ii) $\frac{3\pi}{13} = \frac{3\pi}{13}\times\frac{180}{\pi}$ ডিগ্রি $\left[\because 1^c = \frac{180}{\pi}\right]$

$$= \frac{540}{13} \text{ ডিগ্রি}$$

$$= 41^\circ 32' 18\cdot 46''.$$

$\therefore$ $\frac{3\pi}{13}$ রেডিয়ান $= 41^\circ 32'\ 18.46''$

উদাহরণ ৪। একটি ত্রিভুজের তিনটি কোণের অনুপাত $3:4:5$; কোণ তিনটির বৃত্তীয় মান কত ?

সমাধান : ধরি, কোণ তিনটি যথাক্রমে $3x^c, 4x^c$ ও $5x^c$ ।

প্রশ্নমতে, $3x^c + 4x^c + 5x^c = \pi^c$ [ত্রিভুজের তিন কোণের সমষ্টি 2 সমকোণ $= \pi^c$]

বা, $12x^c = \pi^c$

বা, $x = \frac{\pi}{12}$

$\therefore$ কোণ তিনটি যথাক্রমে

$$3x^c = \left(\frac{3\pi}{12}\right)^c = \left(\frac{\pi}{4}\right)^c = \frac{\pi}{4}$$

$$4x^c = \left(\frac{4\pi}{12}\right)^c = \left(\frac{\pi}{3}\right)^c = \frac{\pi}{3}$$

$$5x^c = \left(\frac{5\pi}{12}\right)^c = \frac{5\pi}{12}$$

উত্তর : $\frac{\pi}{4}, \frac{\pi}{3}, \frac{5\pi}{12}$

উদাহরণ ৫। একটি চাকা $1\cdot75$ কিলোমিটার পথ যেতে 40 বার ঘুরে। চাকাটির ব্যাসার্ধ কত ?

সমাধান : ধরি চাকার ব্যাসার্ধ r মিটার।

$\therefore$ চাকার পরিধি = $2\pi r$ মিটার $(\pi = 3\cdot1416)$

আমরা জানি চাকাটি একবার ঘুরলে তার পরিধির সমান দূরত্ব অতিক্রম করে।

$\therefore$ 40 বার ঘুরায় চাকাটির মোট অতিক্রান্ত দূরত্ব = $40 \times 2\pi\, r$ মি.

= $80\pi\, r$ মিটার

$\therefore$ প্রশ্নমতে, $80\pi r = 1750$ [১ কি.মি. = 1000 মিটার]

বা, $r = \dfrac{1750}{80\pi} = \dfrac{1750}{80 \times 3\cdot1416}$ মিটার

= $6\cdot963$ মিটার (প্রায়)।

উত্তর : চাকার ব্যাসার্ধ $6\cdot963$ মিটার (প্রায়)।

উদাহরণ ৬। পৃথিবীর ব্যাসার্ধ 6440 কিলোমিটার। ঢাকা ও জামালপুর পৃথিবীর কেন্দ্রে 2° কোণ উৎপন্ন করলে ঢাকা ও জামালপুরের দূরত্ব নির্ণয় কর।

সমাধান : ব্যাসার্ধ = $r = 6440$ কি.মি.

পৃথিবীর কেন্দ্রে উৎপন্ন কোণ $\theta = 2^\circ = 2 \times \dfrac{\pi^c}{180}$

= $\dfrac{\pi}{90}$ রেডিয়ান।

$\therefore$ s = চাপের দৈর্ঘ্য = ঢাকা ও জামালপুরের দূরত্ব = $r\theta = 6440 \times \dfrac{\pi}{90}$ কি.মি.

= $\dfrac{644\pi}{9}$ কি.মি.

= $224\cdot8$ কি.মি. (প্রায়)

উত্তর : $224\cdot8$ কি.মি. (প্রায়)।

উদাহরণ ৭। কোনো বৃত্তের ব্যাসার্ধ 7 সে.মি.। বৃত্তের 11 সে.মি. দীর্ঘ চাপের কেন্দ্রস্থ সূক্ষ্মকোণের পরিমাণ নির্ণয় কর।

সমাধান : ধরি, ABC বৃত্তের ব্যাসার্ধ $OB = 7$ সে.মি. এবং চাপ $AB = 11$ সে.মি.। AB চাপের কেন্দ্রস্থ সূক্ষ্ম কোণের পরিমাণ θ নির্ণয় করতে হবে।



আমরা জানি, $s = r\theta$

বা, $\theta = \dfrac{s}{r} = \dfrac{11 \text{ সে.মি.}}{7 \text{ সে.মি.}}$

= $1\cdot57$ রেডিয়ান (প্রায়)

উত্তর : $1\cdot57$ রেডিয়ান (প্রায়)।

উদাহরণ ৮। এহসান সাইকেলে চড়ে বৃত্তাকার পথে 10 সেকেন্ডে একটি বৃত্তচাপ অতিক্রম করে। যদি চাপটি কেন্দ্রে 28° কোণ উৎপন্ন করে এবং বৃত্তের ব্যাস 180 মিটার হয়, তবে এহসানের গতিবেগ নির্ণয় কর।

সমাধান : ধরি, এহসান ABC বৃত্তের B বিন্দু থেকে যাত্রা করে 10 সেকেন্ড পরে পরিধির উপর A বিন্দুতে আসে। তাহলে AB চাপ দ্বারা উৎপন্ন কেন্দ্রস্থ কোণ $\angle AOB = 28^\circ$



OB = ব্যাসার্ধ = $\dfrac{180}{2}$ মিটার = 90 মিটার

ধরি, চাপ $AB = s$ মিটার

আমরা জানি,

$s = r\theta = 90 \times 28^\circ$ মিটার

$= 90 \times 28 \times \dfrac{\pi}{180}$ মিটার

$= 14\pi$ মিটার

$= 14 \times 3{\cdot}1416$ মিটার (প্রায়)

$= 43{\cdot}98$ মিটার (প্রায়)

$\therefore$ এহসানের গতিবেগ = $\dfrac{43{\cdot}98}{10}$ মিটার/সেকেন্ড = $4{\cdot}398$ মিটার/সেকেন্ড

= $4{\cdot}4$ মিটার/সেকেন্ড (প্রায়)

উত্তর : $4{\cdot}4$ মিটার/সেকেন্ড (প্রায়)

উদাহরণ ৯। 540 কিলোমিটার দূরে একটি বিন্দুতে কোনো পাহাড় $7'$ কোণ উৎপন্ন করে। পাহাড়টির উচ্চতা নির্ণয় কর।

সমাধান : মনে করি, AB পাহাড়টির পাদবিন্দু A থেকে 540 কি.মি. দূরে O বিন্দুতে পাহাড়টি $7'$ কোণ উৎপন্ন করে। তাহলে $AO = r$ = ব্যাসার্ধ = 540 কি.মি.

কেন্দ্রস্থ কোণ $AOB = 7' = \left(\dfrac{7}{60}\right)^\circ = \dfrac{7\pi}{60 \times 180}$ রেডিয়ান।

পাহাড়ের উচ্চতা $\approx$ চাপ = s কি.মি.

আমরা জানি,



$s = r\theta = 540 \times \dfrac{7\pi}{60 \times 180}$ কি.মি.

$= \dfrac{7 \times 3{\cdot}1416}{20}$ কি.মি (প্রায়)

$= 1{\cdot}1$ কি.মি. (প্রায়)।

উত্তর : পাহাড়টির উচ্চতা $1{\cdot}1$ কিমি. (প্রায়) বা 1100 মিটার (প্রায়)।

অনুশীলনী ৮·১

ক্যালকুলেটর ব্যবহার করে নিম্নের সমস্যাগুলোর সমাধান নির্ণয় কর। সমস্ত ক্ষেত্রে π এর আসন্ন মান চার দশমিক স্থান পর্যন্ত ব্যবহার কর ($\pi = 3\cdot1416$)।

১। (ক)। রেডিয়ানে প্রকাশ কর :

(i) $75^\circ 30'$ (ii) $55^\circ 54' 53''$ (iii) $33^\circ 22' 11''$

১। (খ)। ডিগ্রিতে প্রকাশ কর :

(i) $\frac{8\pi}{13}$ রেডিয়ান (ii) $1\cdot3177$ রেডিয়ান (iii) $0\cdot9759$ রেডিয়ান

২। একটি কোণকে ষাটমূলক ও বৃত্তীয় পদ্ধতিতে যথাক্রমে D° ও R^c দ্বারা প্রকাশ করা হলে, প্রমাণ কর যে $\frac{D}{180} = \frac{R}{\pi}$.

৩। একটি চাকার ব্যাসার্ধ 2 মিটার 3 সে.মি. হলে, চাকার পরিধির আসন্ন মান চার দশমিক স্থান পর্যন্ত নির্ণয় কর।

৪। একটি গাড়ির চাকার ব্যাস $0\cdot84$ মিটার এবং চাকাটি প্রতি সেকেন্ডে 6 বার ঘুরে। গাড়িটির গতিবেগ নির্ণয় কর।

৫। কোনো ত্রিভুজের কোণ তিনটির অনুপাত $2:5:3$. ক্ষুদ্রতম ও বৃহত্তম কোণের বৃত্তীয় মান কত ?

৬। একটি ত্রিভুজের কোণগুলো সমান্তর শ্রেণিভুক্ত এবং বৃহত্তম কোণটি ক্ষুদ্রতম কোণের দ্বিগুণ। কোণগুলোর রেডিয়ান পরিমাপ কত ?

৭। পৃথিবীর ব্যাসার্ধ 6440 কি.মি.। ঢাকা ও চট্টগ্রাম পৃথিবীর কেন্দ্রে 5° কোণ উৎপন্ন করে। ঢাকা ও চট্টগ্রামের দূরত্ব কত ?

৮। পৃথিবীর ব্যাসার্ধ 6440 কি.মি.। টেকনাফ ও তেতুলিয়া পৃথিবীর কেন্দ্রে $10^\circ 6' 3''$ কোণ উৎপন্ন করে। টেকনাফ ও তেতুলিয়ার মধ্যবর্তী দূরত্ব কত ?

৯। শাহেদ একটি সাইকেলে চড়ে বৃত্তাকার পথে 11 সেকেন্ডে একটি বৃত্তচাপ অতিক্রম করে। যদি চাপটি কেন্দ্রে 30° কোণ উৎপন্ন করে এবং বৃত্তের ব্যাস 201 মিটার হয়, তবে শাহেদের গতিবেগ কত ?

১০। পৃথিবীর ব্যাসার্ধ 6440 কি.মি.। পৃথিবীর উপরের যে দুইটি স্থান কেন্দ্রে $32''$ কোণ উৎপন্ন করে তাদের দূরত্ব কত ?

১১। সকাল $9\cdot30$ টায় ঘড়ির ঘণ্টার কাঁটা ও মিনিটের কাঁটার অন্তর্গত কোণকে রেডিয়ানে প্রকাশ কর।

[সংকেত : এক ঘর কেন্দ্রে $\frac{360^\circ}{60} = 6^\circ$ ডিগ্রি কোণ উৎপন্ন করে। $9\cdot30$ টায় ঘণ্টার কাঁটা ও মিনিটের কাঁটার মধ্যে ব্যবধান $\left(15 + 2\frac{1}{2}\right)$ বা $17\frac{1}{2}$ ঘর]

১২। এক ব্যক্তি বৃত্তাকার পথে ঘণ্টায় 6 কি.মি. বেগে দৌড়ে 36 সেকেন্ডে যে বৃত্তচাপ অতিক্রম করে তা কেন্দ্রে 60° কোণ উৎপন্ন করে। বৃত্তের ব্যাস নির্ণয় কর।

১৩। 750 কিলোমিটার দূরে একটি বিন্দুতে কোনো পাহাড় $8'$ কোণ উৎপন্ন করে। পাহাড়টির উচ্চতা নির্ণয় কর।

৮.৭ ত্রিকোণমিতিক অনুপাতসমূহ (*Trigonometric Ratios*)

ত্রিকোণমিতির এই অংশে প্রথমে সূক্ষ্মকোণের ক্ষেত্রে ত্রিকোণমিতিক অনুপাতসমূহ (sine, cosine, tangent, secant, cosecant, cotangent) সম্পর্কে আলোচনা করা হবে। সূক্ষ্মকোণের অনুপাতসমূহের মাধ্যমে যেকোনো কোণের ত্রিকোণমিতিক অনুপাত সমূহ নির্ণয়ের কৌশল আলোচনা করা হরে। অনুপাত সমূহের পারস্পরিক সম্পর্ক এবং বিভিন্ন চতুর্ভাগে এদের চিহ্ন কি হবে সে সম্পর্কে ব্যাখ্যা করা হবে। ত্রিকোণমিতিক অনুপাত সংক্রান্ত কতিপয় অভেদ সম্পর্কে ধারণা দেওয়া হবে। এছাড়াও আদর্শ কোণসমূহের $\left(0, \frac{\pi}{6}, \frac{\pi}{4}, \frac{\pi}{3}, \frac{\pi}{2}\right)$ ত্রিকোণমিতিক অনুপাত এবং অনুপাতসমূহের সর্বোচ্চ বা সর্বনিম্নমান অর্থাৎ মানের পরিধি সম্পর্কে আলোচনাও এই অংশে অন্তর্ভুক্ত থাকবে।

(ক) সূক্ষ্মকোণের ত্রিকোণমিতিক অনুপাতসমূহ (*Trigonometric Ratios of Acute Angles*) :

সূক্ষ্মকোণের ত্রিকোণমিতিক অনুপাত সমূহ নির্ণয় করার জন্য আমরা একটি সমকোণী ত্রিভুজ (চিত্র ৮.১৩) OPQ বিবেচনা করি।



চিত্র: ৮.১৩

ΔOPQ এ $\angle OQP$ সমকোণ।

$\angle POQ$ এর সাপেক্ষে : OP ত্রিভুজের অতিভুজ *(Hypotenuse)*, OQ ভূমি (*adjacent side*), PQ লম্ব (*opposite side*) এবং $\angle POQ = \theta$ (সূক্ষ্মকোণ)। OPQ সমকোণী ত্রিভুজে সূক্ষ্মকোণ θ এর জন্য ছয়টি ত্রিকোণমিতিক অনুপাত (sine, cosine, tangent, secant, cosecant, cotangent) যথাক্রমে নিম্নোক্ত ভাবে সংজ্ঞায়িত করা হয় :

$$\sin\theta = \frac{PQ}{OP} = \frac{\text{লম্ব}}{\text{অতিভুজ}} \qquad \operatorname{cosec}\theta = \frac{OP}{PQ} = \frac{\text{অতিভুজ}}{\text{লম্ব}}$$

$$\cos\theta = \frac{OQ}{OP} = \frac{\text{ভূমি}}{\text{অতিভুজ}} \qquad \sec\theta = \frac{OP}{OQ} = \frac{\text{অতিভুজ}}{\text{ভূমি}}$$

$$\tan\theta = \frac{PQ}{OQ} = \frac{\text{লম্ব}}{\text{ভূমি}} \qquad \cot\theta = \frac{OQ}{PQ} = \frac{\text{ভূমি}}{\text{লম্ব}}$$

উদাহরণ ১। একটি সমকোণী ত্রিভুজের ক্ষেত্রে $\tan\theta = 3$ হলে অন্য ত্রিকোণমিতিক অনুপাতসমূহ নির্ণয় কর ।

সমাধান : ধরি, ABC একটি সমকোণী ত্রিভুজ।



অতিভুজ = AC , ভূমি = AB

লম্ব = BC, এবং $\angle BAC = \theta$

দেওয়া আছে $\tan\theta = 3$

বা, $\tan\theta = \frac{\text{লম্ব}}{\text{ভূমি}} = \frac{3}{1}$

$\therefore$ BC লম্ব $= 3$ একক এবং $AB =$ ভূমি $= 1$ একক।

পিথাগোরাসের উপপাদ্য অনুযায়ী

অতিভুজ $AC = \sqrt{AB^2 + BC^2} = \sqrt{1^2 + 3^2} = \sqrt{10}$ একক

$\therefore$ অন্য ত্রিকোণমিতিক অনুপাতসমূহ

$\sin\theta = \dfrac{\text{লম্ব}}{\text{অতিভুজ}} = \dfrac{3}{\sqrt{10}}$ $\quad cos\mathit{ine}\theta = \dfrac{\text{অতিভুজ}}{\text{লম্ব}} = \dfrac{\sqrt{10}}{3}$

$\cos\theta = \dfrac{\text{ভূমি}}{\text{অতিভুজ}} = \dfrac{1}{\sqrt{10}}$ $\quad \sec\theta = \dfrac{\text{অতিভুজ}}{\text{ভূমি}} = \dfrac{\sqrt{10}}{1} = \sqrt{10}$

এবং $\cot\theta = \dfrac{\text{ভূমি}}{\text{লম্ব}} = \dfrac{1}{3}$

লক্ষণীয় : যেহেতু অনুপাতের কোনো একক থাকেনা এবং sine, cosine, tangent, secant, cosecant, cotangent এই ছয়টি ত্রিকোণমিতিক অনুপাত তাই এদের কোনো একক নাই।

কাজ : ABC একটি সমকোণী ত্রিভুজ এবং $\sin\theta = \dfrac{2}{\sqrt{5}}$ । অন্য ত্রিকোণমিতিক অনুপাতসমূহ নির্ণয় কর।

দ্রষ্টব্য : ত্রিকোণমিতিক অনুপাতসমূহকে সংক্ষেপে লিখা হয়। যেমন :

sine $\theta = \sin\theta$, cosine $\theta = \cos\theta$, tangent $\theta = \tan\theta$,
secant $\theta = \sec\theta$, cosecant $\theta = \operatorname{cosec}\theta$, cotangent $\theta = \cot\theta$

(খ) এই অংশে আমরা যেকোনো কোণের জন্য ত্রিকোণমিতিক অনুপাত সমূহ নির্ণয় করব। সে জন্য আমাদের কোণটির প্রমিত বা আদর্শ অবস্থান (*Standard position*) জানা দরকার। কার্তেসীয় সমতলে মূলবিন্দু থেকে ডানদিকে অর্থাৎ ধনাত্নক x-অক্ষকে আদি রশ্মি ধরে কোণটি অঙ্কন করলেই এর আদর্শ অবস্থান পাওয়া যায়। এখানে θ কে আমরা ত্রিকোণমিতিক কোণ হিসাবে বিবেচনা করব অর্থাৎ θ কোণের পরিমাণ নির্দিষ্ট সীমার মধ্যে থাকবে না।

মনে করি, কার্তেসীয় তলে $X'OX$ রেখা x–অক্ষ, $Y'OY$ রেখা, y-অক্ষ এবং O বিন্দু মূলবিন্দু। ঘূর্ণায়মান রশ্মি OA ধনাত্নক x-অক্ষ অর্থাৎ OX রশ্মি থেকে শুরু করে ঘড়ির কাঁটার বিপরীত দিকে (anticlockwise) ঘুরে OA অবস্থানে θ কোণ উৎপন্ন করেছে (চিত্র ৮.১৪)।

OX কে θ কোণের আদিবাহু (initial side) এবং OA কে প্রান্তিকবাহু (terminal side) বলা হয়। OA প্রান্তিক বাহুর উপর O বিন্দু ভিন্ন $P(x,y)$ একটি বিন্দু নিই। তাহলে OX থেকে বিন্দুটির লম্ব দূরত্ব y, OY থেকে এর লম্ব দূরত্ব x এবং $\angle OQP$ সমকোণ (চিত্র ৮.১৪)।

সুতরাং পীথাগোরাসের সূত্র অনুসারে অতিভুজ = $|OP| = r = \sqrt{x^2+y^2}$ । তাহলে যে কোনো কোণের θ এর জন্য ত্রিকোণমিতিক অনুপাতসমূহ হবে :

$\sin\theta = \dfrac{\text{লম্ব}}{\text{অতিভুজ}} = \dfrac{y}{r}$

$\cos\theta = \dfrac{\text{ভূমি}}{\text{অতিভুজ}} = \dfrac{x}{r}$



চিত্র : ৮.১৪

$$\tan\theta = \frac{\text{লম্ব}}{\text{ভূমি}} = \frac{y}{x} \quad [x \neq 0]$$

$$\sec\theta = \frac{\text{অতিভুজ}}{\text{ভূমি}} = \frac{r}{x} \quad [x \neq 0]$$

$$\operatorname{cosec}\theta = \frac{\text{অতিভুজ}}{\text{লম্ব}} = \frac{r}{y} \quad [y \neq 0]$$

$$\cot\theta = \frac{\text{ভূমি}}{\text{লম্ব}} = \frac{x}{y} \quad [y \neq 0]$$

লক্ষণীয় ১। P এবং O বিন্দু ভিন্ন হওয়ায় $r = |OP| > 0$ এবং $\sin\theta$ ও $\cos\theta$ সবসময়ই অর্থবহ। OA প্রান্তিক বাহু x-অক্ষের উপর থাকলে $y = 0$ হয় বলে এরূপ কোণের জন্য $\operatorname{cosec}\theta$ ও $\cot\theta$ সংজ্ঞায়িত নয়। অনুরূপভাবে, OA প্রান্তিক বাহু y-অক্ষের উপর থাকলে $x = 0$ হয় এবং এরূপ কোণের জন্য $\sec\theta$ ও $\tan\theta$ সংজ্ঞায়িত হয় না।

লক্ষনীয় ২। প্রান্তিক বাহু OA এর উপর $P(x, y)$ বিন্দু ভিন্ন অন্য কোনো বিন্দু $P_1(x_1, y_1)$ নিই (চিত্র ৮.১৫(ক) ও চিত্র ৮.১৫ (খ))। $P(x, y)$ ও $P_1(x_1, y_1)$ বিন্দুদ্বয় থেকে x অক্ষের উপর PM ও P_1M_1 লম্ব আঁকি। তাহলে ΔOPM ও ΔOP_1M_1 সদৃশ।



চিত্র ৮.১৫(ক)



চিত্র ৮.১৫(খ)

অর্থাৎ $\dfrac{|x|}{|x_1|} = \dfrac{|y|}{|y_1|} = \dfrac{|OP|}{|OP_1|} = \dfrac{r}{r_1}$

এখানে, $OP = r, OP_1 = r_1$, x ও x_1 এবং y ও y_1 একই চিহ্নযুক্ত।

$\therefore \dfrac{x}{x_1} = \dfrac{y}{y_1} = \dfrac{r}{r_1}$ অর্থাৎ, $\dfrac{x}{r} = \dfrac{x_1}{r_1}$ এবং $\dfrac{y}{r} = \dfrac{y_1}{r_1}$

সুতরাং $\sin\theta = \dfrac{y}{r} = \dfrac{y_1}{r_1}$

$\cos\theta = \dfrac{x}{r} = \dfrac{x_1}{r_1}$

$\tan\theta = \dfrac{y}{x} = \dfrac{y_1}{x_1}$ ইত্যাদি।

সিদ্ধান্ত : ত্রিকোণমিতিক অনুপাতসমূহের মান প্রান্তিক রশ্মি OA এর উপর নির্বাচিত বিন্দু P এর উপর নির্ভর করে না।



চিত্র: ৮.১৬

লক্ষণীয় ৩। θ সূক্ষ্মকোণ হলে প্রমিত বা আদর্শ অবস্থানে এর প্রান্তিক বাহু OA প্রথম চতুর্ভাগে থাকে এবং $\theta = \angle XOA$ হয় (চিত্র ৮.১৬)। OA বাহুতে যেকোনো বিন্দু $P(x, y)$ নিয়ে এবং P থেকে OX এর উপর PM লম্ব টেনে দেখা যায় যে, $OM = x, PM = y$ এবং $OP = r$ ধরে পূর্ববর্তী আলোচনার (ক) ও (খ) থেকে θ কোণের অনুপাতগুলোর একই মান পাওয়া যায়।

(গ) ত্রিকোণমিতিক অনুপাতগুলোর পারস্পরিক সম্পর্ক



ত্রিকোণমিতিক অনুপাতসমূহের সংজ্ঞা থেকে আমরা লক্ষ করি যে,

$$\sin\theta = \frac{\text{লম্ব}}{\text{অতিভুজ}}, \quad \operatorname{cosec}\theta = \frac{\text{অতিভুজ}}{\text{লম্ব}} = \frac{1}{\frac{\text{লম্ব}}{\text{অতিভুজ}}} = \frac{1}{\sin\theta}$$

$$\therefore \quad \sin\theta = \frac{1}{\operatorname{cosec}\theta} \quad \text{এবং } \operatorname{cosec}\theta = \frac{1}{\sin\theta}$$

অনুরূপভাবে, $\cos\theta = \frac{\text{ভূমি}}{\text{অতিভুজ}}, \quad \sec\theta = \frac{\text{অতিভুজ}}{\text{ভূমি}} = \frac{1}{\frac{\text{ভূমি}}{\text{অতিভুজ}}} = \frac{1}{\cos\theta}$

অর্থাৎ $\cos\theta = \frac{1}{\sec\theta}$ এবং $\sec\theta = \frac{1}{\cos\theta}$

একইভাবে, $\tan\theta = \frac{1}{\cot\theta}$ এবং $\cot\theta = \frac{1}{\tan\theta}$

৮·৮ ত্রিকোণমিতিক অনুপাত সংক্রান্ত কতিপয় সহজ অভেদাবলী (Identities)

(i) $\sin^2\theta + \cos^2\theta = 1$

প্রমাণ : পাশের চিত্র থেকে আমরা দেখি,

$$\cos\theta = \frac{\text{ভূমি}}{\text{অতিভুজ}} = \frac{x}{r}$$

$$\sin\theta = \frac{\text{লম্ব}}{\text{অতিভুজ}} = \frac{y}{r}$$

এবং $r^2 = x^2 + y^2$

$$\therefore \quad \sin^2\theta + \cos^2\theta = \frac{x^2}{r^2} + \frac{y^2}{r^2} = \frac{x^2 + y^2}{r^2} = \frac{r^2}{r^2} = 1$$

$\therefore \quad \sin^2\theta + \cos^2\theta = 1$ (প্রমাণিত)।

(i) নং ফলাফল থেকে আমরা পাই, $\sin^2\theta = 1 - \cos^2\theta$ বা, $\cos^2\theta = 1 - \sin^2\theta$

অনুরূপভাবে প্রমাণ করা যায় যে, ..

(ii) $1+\tan^2\theta=\sec^2\theta$ বা, $\sec^2\theta-1=\tan^2\theta$

(iii) $1+\cot^2\theta=\text{cos}ec^2\theta$ বা, $\text{cos}ec^2\theta-1=\cot^2\theta$

কাজ : প্রমাণ কর যে, (চিত্রের সাহায্যে) :

(i) $\sec^2\theta-\tan^2\theta=1$

(ii) $\text{cos}ec^2\theta-\cot^2\theta=1$

৮·৯ বিভিন্ন চতুর্ভাগে ত্রিকোণমিতিক অনুপাতসমূহের চিহ্ন

নিচের চিত্রে (চিত্র ৮.১৮) কার্তেসীয় তলকে $X'OX$ এবং $Y'OY$ অক্ষদ্বয় দ্বারা চারটি চতুর্ভাগ (Quadrant) যথাক্রমে XOY (১ম চতুর্ভাগ), YOX' (২য় চতুর্ভাগ) $X'OY'$ (৩য় চতুর্ভাগ) এবং $Y'OX$ (৪র্থ চতুর্ভাগ) বিভক্ত করা হয়েছে।



চিত্র ৮.১৮

আদি অবস্থান OX থেকে একটি রশ্মি OA, ঘড়ির কাঁটার বিপরীত দিকে ঘূর্ণনের ফলে OA এর প্রান্তিক অবস্থানের উপর নির্ভর করে বিভিন্ন কোণ উৎপন্ন হবে। ঘূর্ণায়মান রশ্মি OA এর উপর যেকোনো বিন্দু $P(x,y)$ নিই। তাহলে $|OP|=r$। প্রান্তিক রশ্মি OA এবং P বিন্দুর বিভিন্ন চতুর্ভাগে অবস্থানের সঙ্গে সঙ্গে x ও y এর চিহ্ন পরিবর্তন হবে কিন্তু r সবসময় ধনাত্মক থাকবে।

OA রশ্মি যখন প্রথম চতুর্ভাগে থাকে, তখন x ও y এর মান ধনাত্মক। তাই প্রথম চতুর্ভাগে সকল ত্রিমোণমিতিক অনুপাত ধনাত্মক। OA রশ্মি যখন দ্বিতীয় চতুর্ভাগে থাকে তখন P বিন্দুর ভুজ x ঋণাত্মক এবং কোটি y ধনাত্মক। এজন্য দ্বিতীয় চতুর্ভাগে $\sin\left(\sin\theta=\dfrac{y}{r}\right)$ এবং $\text{cos}ec\left(\text{cos}ec\theta=\dfrac{r}{y}\right)$ অনুপাত দুইটি ধনাত্মক অন্যসব অনুপাত ঋণাত্মক। একইভাবে তৃতীয় চতুর্ভাগে P বিন্দুর ভুজ x ও কোটি y উভয়ই ঋণাত্মক এবং $\tan\left(\tan\theta=\dfrac{-y}{-x}=\dfrac{y}{x}\right)$ ও $\cot\left(\cot\theta=\dfrac{-x}{-y}=\dfrac{x}{y}\right)$ ধনাত্মক। অন্য অনুপাতসমূহ ঋণাত্মক। চতুর্থ চতুর্ভাগে

OA রশ্মির উপর P বিন্দুর ভুজ x ধনাত্মক এবং কোটি y ঋণাত্মক বলে $\cos\left(\cos\theta = \frac{x}{r}\right)$ এবং $\sec\left(\sec\theta = \frac{r}{x}\right)$ ধনাত্মক এবং অন্যসব ত্রিকোণমিতিক অনুপাত ঋণাত্মক।

আবার, x-অক্ষের যেকোনো অবস্থানে y এর মান শূন্য বলে $\cos ec\left(\cos ec\theta = \frac{r}{y}\right)$ এবং $\cot\left(\cot\theta = \frac{x}{y}\right)$ অনুপাত দুইটি সংজ্ঞায়িত নয়।

অনুরূপভাবে, y-অক্ষের যেকোনো অবস্থানে x এর মান শূন্য। তাই y-অক্ষের উপর $\sec\left(\sec\theta = \frac{r}{x}\right)$ এবং $\tan\left(\tan\theta = \frac{y}{x}\right)$ সংজ্ঞায়িত নয়। $\sin\left(\sin\theta = \frac{y}{r}\right)$ এবং $\cos\left(\cos\theta = \frac{x}{r}\right)$ অনুপাত দুইটি P বিন্দুর যেকোনো অবস্থানেই সংজ্ঞায়িত এবং বাস্তব মান আছে।

উপরোক্ত আলোচনার সারাংশ নিম্নের চিত্রে (চিত্র ৮.১৯) দেখানো হলো। উক্ত চিত্রের সাহায্যে যেকোনো কোণের প্রান্তিক রশ্মির অবস্থানের উপর নির্ভর করে উক্ত কোণের সকল ত্রিকোণমিতিক অনুপাতের চিহ্ন নির্ণয় সহজ হবে।



চিত্র: ৮.১৯

৮.১০ ত্রিকোণমিতিক অনুপাত সমূহ:

নবম–দশম শ্রেণির গণিতে সূক্ষ্মকোণের ত্রিকোণমিতিক অনুপাত সম্পর্কে আলোচনা করা হয়েছে। আমরা এখানে যেকোনো কোণের ত্রিকোণমিতিক অনুপাত সমূহ বর্ণনা করবো।

কোণের প্রমিত অবস্থান (*Standard position*):

কার্তেসীয় তলে মূল বিন্দু O তে ধণাত্মক x-অক্ষকে আদি রশ্মি ধরে কোণ অঙ্কন করলে কোণটির প্রমিত অবস্থান পাওয়া যায়।

৮.১১ অনুপাত সমূহের সংজ্ঞা :

θ যেকোনো কোণ। এর প্রমিত অবস্থানে ঘূর্ণায়মান রশ্মি oz এর উপর বিন্দু P(x,y) নিই যেখানে OP = r (>0)। তাহলে θ কোণের



sine অনুপাত $\text{Sin}\ \theta = \frac{y}{r}$

cosine অনুপাত $\cos\theta = \frac{x}{r}$

tangent অনুপাত $\tan\theta = \frac{y}{x}$ [যখন $x \neq o$]

cotangent অনুপাত $\cot\theta = \frac{x}{y}$ [যখন $y \neq o$]

secant অনুপাত $\sec\theta = \frac{r}{x}$ [যখন $x \neq o$]

cosecant অনুপাত $\text{cosec}\ \theta = \frac{r}{y}$ [যখন $y \neq o$]



লক্ষণীয় যে, রশ্মি Oz এর ওপর P(x,y), P′(x′,y′) দুইটি বিন্দু হলে যেখানে OP = r (>O), OP′=r′ (>O); x, x′ এবং y, y′ একই চিহ্নযুক্ত। ফলে ΔOPM ও ΔOP′M বিবেচনা করে পাই।

$\frac{x}{r} = \frac{x'}{r'}, \frac{y}{r} = \frac{y'}{r'}$ ইত্যাদি

ফলে θ কোণের অণুপাত সমূহের মান OZ রশ্মিতে P বিন্দুর অবস্থানের উপর নির্ভর করে না।

θ সূক্ষ্মকোণ হলে OPM সমকোণী ত্রিভুজে অতিভুজ OP = r, সন্নিহিত বাহু OM = x, বিপরীত বাহু PM= y



সুতরাং $\text{Sin}\theta = \frac{y}{r} = \frac{\text{বিপরীত বাহু}}{\text{অতিভুজ}}$

$\text{Cos}\theta = \frac{x}{r} = \frac{\text{সন্নিহিত বাহু}}{\text{অতিভুজ}}$

$\tan\theta = \frac{y}{x} = \frac{\text{বিপরীত বাহু}}{\text{সন্নিহিত বাহু}}$, ইত্যাদি।

সুতরাং সূক্ষ্মকোণের ক্ষেত্রে ত্রিকোণমিতিক অনুপাতের স্থানাঙ্কভিত্তিক সংজ্ঞা ও নবম-দশম শ্রেণির গণিত বইয়ের প্রদত্ত সমকোণী ত্রিভুজভিত্তিক সংজ্ঞা একই।

0° এবং 90° কোণের অনুপাত সমূহ:

O° কোণের ক্ষেত্রে ঘূর্ণায়মান রশ্মি ox অক্ষের ওপর থাকে। সুতরাং P(x,o) এবং r = op = x

অতএব,

$\text{Sin}\ 0° = \frac{y}{r} = \frac{o}{r} = 0$

$\text{Cos } 0° = \frac{x}{r} = \frac{x}{x} = 1$

90° কোণের ক্ষেত্রে ঘূর্ণায়মান রশ্মি Oy অক্ষের ওপর থাকে। সুতরাং P(O,y) এবং r = OP = y

$\text{Sin } 90° = \frac{y}{r} = \frac{y}{y} = 1$

$\text{Cos } 90° = \frac{x}{r} = \frac{o}{r} = 0.$

সংজ্ঞা থেকে সহজেই দেখা যায়, যেকোনো θ কোণের জন্য ত্রিকোণমিতিক অনুপাতের নিম্নোক্ত ধর্মাবলী খাটে।

(১) $\text{Sin}^2\theta + \text{Cos}^2\theta = 1$

প্রমাণ: $\text{Sin}\theta = \frac{y}{r}$, $\text{Cos}\theta = \frac{x}{r}$, $r^2 = x^2 + y^2$

$$\therefore \text{Sin}^2\theta + \text{Cos}^2\theta = \frac{x^2+y^2}{r^2} = \frac{r^2}{r^2} = 1$$

(2) $\tan\theta = \frac{\sin\theta}{\cos\theta}$, $\cot\theta = \frac{\cos\theta}{\sin\theta}$

$\sec\theta = \frac{1}{\cos\theta}$, $\text{cosec}\theta = \frac{1}{\sin\theta}$

যেখানে অনুপাতগুলো সংজ্ঞায়িত।

II (–, +)	I (+, +)
III (–, –)	IV (+, –)

(৩) পাশের চিত্রে প্রদত্ত স্থানাঙ্ক চিহ্ন বিবেচনা করে দেখা যায় যে

II Sin, cosec ধনাত্মক	I সকল অনুপাত ধনাত্মক
III tan, cot ধনাত্মক	IV Cos, sec ধনাত্মক

(৪) $|\sin\theta| \le 1$, $|\text{Cos}\theta| \le 1$

প্রমাণ : $\text{Sin}^2\theta + \text{Cos}^2\theta = 1$

$\therefore \text{Sin}^2\theta \le 1, \text{Cos}^2\theta \le 1.$

অর্থাৎ $|\sin\theta| \le 1$; $|\text{Cos}\theta| \le 1$

(৫)

	0°	$\frac{\pi}{6} = 30°$	$\frac{\pi}{4} = 45°$	$\frac{\pi}{3} = 60°$	$\frac{\pi}{2} = 90°$
Sinθ	0	$\frac{1}{2}$	$\frac{1}{\sqrt{2}}$	$\frac{\sqrt{3}}{2}$	1
Cosθ	1	$\frac{\sqrt{3}}{2}$	$\frac{1}{\sqrt{2}}$	$\frac{1}{2}$	0
tanθ	0	$\frac{1}{\sqrt{3}}$	1	$\sqrt{3}$	অসংজ্ঞায়িত

উদাহরণ ১। θ সূক্ষ্মকোণ $\left(O<\theta<\frac{\pi}{2}\right)$ এবং $\cos\theta=\frac{4}{5}$ হলে, অন্যসব ত্রিকোণমিতিক অনুপাতসমূহের মান নির্ণয় কর।

সমাধান : ত্রিকোণমিতিক অভেদ (Identities) ব্যবহার করে।

আমরা জানি, $\sin^2\theta+\cos^2\theta=1$

বা, $\sin^2\theta=1-\cos^2\theta=1-\left(\frac{4}{5}\right)^2=1-\frac{16}{25}$

$$=\frac{25-16}{25}=\frac{9}{25}$$

$\therefore\ \sin\theta=\pm\sqrt{\frac{9}{25}}=\pm\frac{3}{5}$

যেহেতু θ সূক্ষ্মকোণ, তাই θ প্রথম চতুর্ভাগে অবস্থিত এবং সকল ত্রিকোণমিতিক অনুপাত ধনাত্মক।

$\therefore\ \sin\theta=\frac{3}{5}$

এখন, $\sec\theta=\frac{1}{\cos\theta}=\frac{1}{\frac{4}{5}}=\frac{5}{4}$

$$\cos ec\theta=\frac{1}{\cos\theta}=\frac{1}{\frac{3}{5}}=\frac{5}{3}$$

এখন POQ সমকোণী ত্রিভুজ থেকে পাই,

$$\tan\theta=\frac{\text{লম্ব}}{\text{ভূমি}}=\frac{\text{লম্ব/অতিভুজ}}{\text{ভূমি/অতিভুজ}}=\frac{PQ/OP}{OQ/OP}=\frac{3/5}{4/5}=\frac{3}{4}$$

$$\cot\theta=\frac{\text{ভূমি}}{\text{লম্ব}}=\frac{\text{ভূমি/অতিভুজ}}{\text{লম্ব/অতিভুজ}}=\frac{OQ/OP}{PQ/OP}=\frac{4/5}{4/5}=\frac{4}{3}$$

বি.দ্র : $\tan\theta=\frac{\sin\theta}{\cos\theta}$, $\cot\theta=\frac{\cos\theta}{\sin\theta}$

ত্রিকোণমিতিক অভেদের সাহায্যে, $\sec^2\theta-\tan^2\theta=1$

বা, $\tan^2\theta=\sec^2\theta=-1=\left(\frac{5}{4}\right)-1=\frac{25}{16}-1=\frac{9}{16}$

$\therefore\ \tan^2\theta=\sqrt{\frac{9}{16}}=\frac{3}{4}$

আবার, $\cos ec^2\theta-\cot^2\theta=1$

বা, $\cot^2\theta = \operatorname{cosec}^2\theta - 1 = \left(\frac{5}{3}\right)^2 - 1 = \frac{25}{9} - 1 = \frac{16}{9}$

$\therefore\ \cot\theta = \sqrt{\frac{16}{9}} = \frac{4}{3}$

বিকল্প : আমরা জানি, $\cos\theta = \frac{\text{ভূমি}}{\text{অতিভুজ}} = \frac{4}{5}$ [দেওয়া আছে]

পাশের চিত্রে সমকোণী ত্রিভুজ POQ থেকে পাই,

$PQ = \sqrt{OP^2 - OQ^2} = \sqrt{5^2 - 4^2}$

$= \sqrt{25 - 16} = \sqrt{9} = 3$ একক



$\therefore\ \sin\theta = \frac{PQ}{OP} = \frac{3}{5}$

$\tan\theta = \frac{PQ}{OQ} = \frac{3}{4}$

$\sec\theta = \frac{OP}{OQ} = \frac{5}{4}$

$\operatorname{cosec}\theta = \frac{OP}{PQ} = \frac{5}{3}$

$\cot\theta = \frac{OQ}{PQ} = \frac{4}{3}$

কাজ : θ স্থূলকোণ $\left(\frac{\pi}{2} < \theta < \pi\right)$ এবং $\tan\theta = -\frac{1}{2}$ হলে, অপর ত্রিকোণমিতিক অনুপাতসমূহ সমকোণী ত্রিভুজ এবং ত্রিকোণমিতিক অভেদ এর সাহায্যে নির্ণয় কর।

উদাহরণ ২। $\cos A=\frac{4}{5}, \sin B=\frac{12}{13}$ এবং A ও B উভয়ই সূক্ষ্মকোণ হলে $\frac{\tan B-\tan A}{1+\tan B.\tan A}$ এর মান নির্ণয় কর।

সমাধান : দেওয়া আছে, $\cos A=\frac{4}{5}$



আমরা জানি, $\sin^2 A+\cos^2 A=1$

বা, $\sin^2 A=1-\cos^2 A$

$$=1-\frac{16}{25}=\frac{9}{25}$$

$\therefore\ \sin A=\sqrt{\frac{9}{24}}=\frac{3}{5}$ [A সূক্ষ্মকোণ]

$$\tan A=\frac{\sin A}{\cos A}=\frac{\frac{3}{5}}{\frac{4}{5}}=\frac{3}{4}.$$

আবার, $\sin B=\frac{12}{13}$



$\therefore\ \cos B=\sqrt{1-\sin^2 B}=\sqrt{1-\frac{144}{169}}=\sqrt{\frac{25}{169}}$

$\therefore\ \cos B=\frac{5}{13}$

$\therefore\ \tan B=\frac{\sin B}{\cos B}=\frac{12/13}{5/13}=\frac{12}{5}$

এখন, $\frac{\tan B-\tan A}{1+\tan B.\tan A}=\frac{\frac{12}{5}-\frac{3}{4}}{1+\frac{12}{5}\cdot\frac{3}{4}}$

$$=\frac{\frac{48-15}{20}}{1+\frac{36}{20}}=\frac{\frac{33}{20}}{\frac{20+36}{20}}=\frac{33}{56}$$

$\therefore\ \frac{\tan B-\tan A}{1+\tan B.\tan A}=\frac{33}{56}.$

উদাহরণ ৩। মান নির্ণয় কর : $\sin^2\frac{\pi}{6}+\cos^2\frac{\pi}{4}+\tan^2\frac{\pi}{3}+\cot^2\frac{\pi}{2}$

সমাধান : আমরা জানি, $\sin\frac{\pi}{6}=\frac{1}{2}, \cos\frac{\pi}{4}=\frac{1}{\sqrt{2}}, \tan\frac{\pi}{3}=\sqrt{3}$ এবং $\cot\frac{\pi}{2}=0$

$\therefore\ \sin^2\frac{\pi}{6}+\cos^2\frac{\pi}{4}+\tan^2\frac{\pi}{3}+\cot^2\frac{\pi}{2}$

$=\left(\frac{1}{2}\right)^2+\left(\frac{1}{\sqrt{2}}\right)^2+(\sqrt{3})^2+(0)^2$

$= \frac{1}{4}+\frac{2}{4}+3 = 3\frac{3}{4}$

কাজ : ১। $\sin^2\frac{\pi}{4}\cos^2\frac{\pi}{3}+\tan^2\frac{\pi}{6}\sec^2\frac{\pi}{3}+\cot^2\frac{\pi}{3}\cos ec^2\frac{\pi}{4}$ এর মান নির্ণয় কর।

২। সরল কর : $\dfrac{\sin^2\frac{\pi}{3}+\sin\frac{\pi}{3}\cos\frac{\pi}{3}+\cos^2\frac{\pi}{3}}{\sin\frac{\pi}{3}+\cos\frac{\pi}{3}} - \dfrac{\sin^2\frac{\pi}{3}-\sin\frac{\pi}{3}\cos\frac{\pi}{3}+\cos^2\frac{\pi}{3}}{\sin\frac{\pi}{3}-\cos\frac{\pi}{3}}$

উদাহরণ ৪ : $7\sin^2\theta + 3\cos^2\theta = 4$ হলে, প্রমাণ কর যে, $\tan\theta = \frac{1}{\sqrt{3}}$

সমাধান : দেওয়া আছে, $7\sin^2\theta + 3\cos^2\theta = 4$

বা, $7\sin^2\theta + 3(1-\sin^2\theta) = 4$ $[\because \sin^2\theta + \cos^2\theta = 1]$

বা, $7\sin^2\theta + 3 - 3\sin^2\theta = 4$

বা, $4\sin^2\theta = 1$

বা, $\sin^2\theta = \frac{1}{4}$

আবার, $\cos^2\theta = 1-\sin^2\theta$

$= 1-\frac{1}{4}$

$= \frac{3}{4}$

$\therefore \tan^2\theta = \frac{\sin^2\theta}{\cos^2\theta}$ $\left[\because \tan\theta = \frac{\sin\theta}{\cos\theta}\right]$

বা, $\tan^2\theta = \dfrac{\frac{1}{4}}{\frac{3}{4}}$

$\therefore \tan^2\theta = \frac{1}{3}$

$\therefore \tan^1\theta = \pm\frac{1}{\sqrt{3}}$ (প্রমাণিত)।

উদাহরণ ৫। $15\cos^2\theta + 2\sin\theta = 7$ এবং $-\frac{\pi}{2} < \theta < \frac{\pi}{2}$ হলে $\cot\theta$ এর মান নির্ণয় কর।

সমাধান : দেওয়া আছে, $15\cos^2\theta + 2\sin\theta = 7$

বা, $15\cos^2\theta + 2\sin\theta = 7$ $[\because \sin^2\theta + \cos^2\theta = 1]$

বা, $15 - 15\sin^2\theta + 2\sin\theta = 7$

বা, $15\sin^2\theta - 2\sin\theta - 8 = 0$

বা, $15\sin^2\theta - 12\sin\theta + 10\sin\theta - 8 = 0$

বা, $(3\sin\theta + 2)(5\sin\theta - 4) = 0$

$\therefore\ \sin\theta = -\frac{2}{3}$ বা, $\sin\theta = \frac{4}{5}$

$\sin\theta$ এর উভয় মান গ্রহণযোগ্য। কেননা $-\frac{\pi}{2} < \theta < \frac{\pi}{2}$

$\sin\theta = -\frac{2}{3}$ হলে $\cos\theta = \sqrt{1-\sin^2\theta} = \sqrt{1-\frac{4}{9}} = \frac{\sqrt{5}}{3}$

$\sin\theta = \frac{4}{5}$ হলে $\cos\theta = \sqrt{1-\sin^2\theta} = \sqrt{1-\frac{16}{25}} = \frac{3}{5}$

$\therefore\ \cot\theta = \frac{\cos\theta}{\sin\theta} = \frac{\frac{\sqrt{5}}{3}}{-\frac{2}{3}} = -\frac{\sqrt{5}}{2}$ [যখন $\sin\theta = -\frac{2}{3}$]

এবং $\cot\theta = \frac{\cos\theta}{\sin\theta} = \frac{\frac{3}{5}}{\frac{4}{5}} = \frac{3}{4}$ [যখন $\sin\theta = \frac{4}{5}$]

নির্ণেয় মান $-\frac{\sqrt{5}}{2}$ বা, $\frac{3}{4}$

উদাহরণ ৬। $A = \frac{\pi}{3}$ ও $B = \frac{\pi}{6}$ হলে প্রমাণ কর যে,

(*i*) $\sin(A+B) = \sin A\cos B + \cos A\sin B$

(*ii*) $\tan(A-B) = \frac{\tan A - \tan B}{1 + \tan A \cdot \tan B}$

প্রমাণ : (*i*) বামপক্ষ = $\sin(A+B) = \sin\left(\frac{\pi}{3}+\frac{\pi}{6}\right) = \sin\frac{\pi}{2} = 1$

ডানপক্ষ = $\sin A\cos B + \cos A\sin B = \sin\frac{\pi}{3}\cos\frac{\pi}{6} + \cos\frac{\pi}{3}\sin\frac{\pi}{6}$

$= \frac{\sqrt{3}}{2}\cdot\frac{\sqrt{3}}{2} + \frac{1}{2}\cdot\frac{1}{2} = \frac{3}{4} + \frac{1}{4} = 1 \qquad \left[\frac{\sqrt{3}}{2}\cdot\frac{\sqrt{3}}{2} + \frac{1}{2}\cdot\frac{1}{2}\right]$

$\therefore$ বামপক্ষ = ডানপক্ষ (প্রমাণিত)।

প্রমাণ : (*ii*) বামপক্ষ = $\tan(A-B) = \tan\left(\frac{\pi}{3}-\frac{\pi}{6}\right)$

$$= \tan\frac{\pi}{6} = \frac{1}{\sqrt{3}}$$

ডানপক্ষ $= \dfrac{\tan A - \tan B}{1 + \tan A \cdot \tan B} = \dfrac{\tan\frac{\pi}{3} - \tan\frac{\pi}{6}}{1 + \tan\frac{\pi}{3} \cdot \tan\frac{\pi}{6}}$

$$= \frac{\sqrt{3} - \frac{\sqrt{3}}{3}}{1 + \sqrt{3} \cdot \frac{\sqrt{3}}{3}} = \frac{2\sqrt{3}}{3} \times \frac{1}{2} = \frac{\sqrt{3}}{3} = \frac{1}{\sqrt{3}}$$

$\therefore$ বামপক্ষ = ডানপক্ষ (প্রমাণিত)।

কাজ : $A = \dfrac{\pi}{3}$ ও $B = \dfrac{\pi}{6}$ এর জন্য নিম্নোক্ত অভেদসমূহ প্রমাণ কর :

(*i*) $\sin(A - B) = \sin A \cos B - \cos A \sin B$

(*ii*) $\cos(A + B) = \cos A \cos B - \sin A \sin B$

(*iii*) $\cos(A - B) = \cos A \cos B + \sin A \sin B$

(*iv*) $\tan 2B = \dfrac{2\tan B}{1 - \tan^2 B}$

অনুশীলনী ৮·২

১। ক্যালকুলেটর ব্যবহার না করে মান নির্ণয় কর :

(i) $\dfrac{cos\dfrac{\pi}{4}}{cos\dfrac{\pi}{6}+sin\dfrac{\pi}{3}}$ (ii) $tan\dfrac{\pi}{4}+tan\dfrac{\pi}{6}\cdot tan\dfrac{\pi}{3}$

২। $cos\theta=-\dfrac{4}{5}$ এবং $\pi<\theta<\dfrac{3\pi}{2}$ হলে $tan\theta$ এবং $sin\theta$ এর মান নির্ণয় কর।

৩। $sinA=\dfrac{2}{\sqrt{5}}$ এবং $\dfrac{\pi}{2}<A<\pi$ এর ক্ষেত্রে $cosA$ এবং $tanA$ এর মান কত ?

৪। দেওয়া আছে, $cosA=\dfrac{1}{2}$ এবং $cosA$ ও $sinA$ একই চিহ্নবিশিষ্ট। $sinA$ এবং $tanA$ এর মান কত ?

৫। দেওয়া আছে, $\tan A=-\dfrac{5}{12}$ এবং $tanA$ ও $cosA$ বিপরীত চিহ্নবিশিষ্ট। $sinA$ এবং $cosA$ এর মান নির্ণয় কর।

৬। নিম্নলিখিত অভেদসমূহ প্রমাণ কর :

(i) $tan\ A+cot\ A=secA\mathrm{cosec}A$

(ii) $\sqrt{\dfrac{1+cos\theta}{1-cos\theta}}=cosec\theta+\cot\theta=\sqrt{\dfrac{sec\theta+1}{sec\theta-1}}$

(iii) $\sqrt{\dfrac{1-sinA}{1+sin\ A}}=\mathrm{sec}A-tanA$

(iv) $sec^4\theta-sec^2\theta=tan^4\theta+tan^2\theta$

(v) $(sec\theta-cos\theta)(cosec\theta-sin\theta)(tan\theta+\cot\theta)=1$

(vi) $\dfrac{tan\theta+sec\theta-1}{tan\theta-sec+1}=tan\theta+sec\theta$

৭। যদি $cosecA=\dfrac{a}{\mathrm{b}}$ হয়, যেখানে $a>b>0$, তবে প্রমাণ কর যে, $\mathrm{tanA}=\dfrac{\pm b}{\sqrt{a^2-b^2}}$

৮। যদি $cos\theta-sin\theta=\sqrt{2}sin\theta$ হয়,তবে দেখাও যে, $cos\theta+sin\theta=\sqrt{2}cos\theta$

৯। $\tan\theta=\dfrac{x}{y}(x\neq y)$ হলে, $\dfrac{x\sin\theta+y\cos\theta}{x\sin\theta-y\cos\theta}$ এর মান নির্ণয় কর।

১০। $tan\theta+sec\theta=x$ হলে, দেখাও যে, $\sin\theta=\dfrac{x^2-1}{x^2+1}$

১১। $acos\theta-bsin\theta=c$ হলে, প্রমাণ কর যে, $asin\theta+bcos\theta=\pm\sqrt{a^2+b^2-c^2}$

১২। মান নির্ণয় কর :

(i) $sin^2\frac{\pi}{6}+cos^2\frac{\pi}{4}+tan^2\frac{\pi}{3}+cot^2\frac{\pi}{6}$

(ii) $3tan^2\frac{\pi}{4}-sin^2\frac{\pi}{3}-\frac{1}{2}cot^2\frac{\pi}{6}+\frac{1}{3}sec^2\frac{\pi}{4}$

(iii) $tan^2\frac{\pi}{4}-sin^2\frac{\pi}{3}tan^2\frac{\pi}{6}tan^2\frac{\pi}{3}\cdot cos^2\frac{\pi}{4}$

(iv) $\dfrac{tan\frac{\pi}{3}-tan\frac{\pi}{6}}{1+tan\frac{\pi}{3}tan\frac{\pi}{6}}+cos\frac{\pi}{3}cos\frac{\pi}{6}+sin\frac{\pi}{3}sin\frac{\pi}{6}$

১৩। সরল কর : $\dfrac{1-sin^2\frac{\pi}{6}}{1+sin^2\frac{\pi}{4}}\times\dfrac{cos^2\frac{\pi}{3}+cos^2\frac{\pi}{6}}{cosec^2\frac{\pi}{2}-cot^2\frac{\pi}{2}}\div\left(sin\frac{\pi}{3}tan\frac{\pi}{6}\right)+\left(sec^2\frac{\pi}{6}-tan^2\frac{\pi}{6}\right)$

৮·১২ ত্রিকোণমিতিক আলোচনার দ্বিতীয় অংশে আমরা সূক্ষ্মকোণের $\left(0<\theta<\frac{\pi}{2}\right)$ অনুপাতসমূহ নির্ণয়ের কৌশল আলোচনা করেছি। অনুপাতসমূহের পারস্পরিক সম্পর্ক এবং এতদসংক্রান্ত কয়েকটি সহজ অভেদ প্রমাণ করা হয়েছে। বিভিন্ন চতুর্ভাগে অনুপাতসমূহের চিহ্ন নির্ধারণ, আদর্শ কোণসমূহের ত্রিকোণমিতিক অনুপাত এবং অনুপাতসমূহের সর্বনিম্ন ও সর্বোচ্চ মানের ধারণাও দেওয়া হয়েছে। আলোচনার এই অংশে প্রথমে ঋণাত্মক কোণ $(-\theta)$ এর অনুপাতসমূহ নির্ণয় করা হবে। এর উপর ভিত্তি করে ধারাবাহিকভাবে $\frac{\pi}{2}-\theta, \frac{\pi}{2}+\theta$ $\pi+\theta$, $\pi-\theta$, $\frac{3\pi}{2}+\theta$, $\frac{3\pi}{2}-\theta$, $2\pi+\theta$, $2\pi-\theta$ এবং $n\times\frac{\pi}{2}+\theta$ ও $n\times\frac{\pi}{2}-\theta$ [যেখানে n ধনাত্মক পূর্ণসংখ্যা এবং $0<\theta<\frac{\pi}{2}$] কোণসমূহের ত্রিকোণমিতিক আলোচনা অন্তর্ভুক্ত থাকবে।

৮.১২ (ক) $(-\theta)$ কোণের ত্রিকোণমিতিক অনুপাতসমূহ $\left(0<\theta<\frac{\pi}{2}\right)$।

মনে করি ঘূর্ণায়মান রশ্মি OA এর আদি অবস্থান OX থেকে ঘড়ির কাঁটার বিপরীত দিকে ঘুরে প্রথম চতুর্ভাগে $\angle XOA=\theta$ এবং ঘড়ির কাঁটার দিকে একই দূরত্ব ঘুরে চতুর্থ চতুর্ভাগে $\angle XOA'=-\theta$ কোণ উৎপন্ন করে (চিত্র : ৮.২১)। OA রশ্মির উপর যেকোনো বিন্দু $p(x,y)$ নিই। এখন $p(x,y)$ বিন্দু থেকে OX এর ওপর PN লম্ব আঁকি এবং PN কে বর্ধিত করায় তা OA' কে Q বিন্দুতে ছেদ করে। তাহলে QN রেখা OX এর ওপর লম্ব। যেহেতু $p(x,y)$ বিন্দুর অবস্থান প্রথম চতুর্ভাগে সেহেতু $x>0, y>0$ এবং $ON=x, PN=y$.

এখন ΔOPN ও ΔOQN সমকোণী ত্রিভুজদ্বয়ের $\angle PON=\angle QON$, $\angle ONP=\angle ONQ$ এবং ON উভয় ত্রিভুজের সাধারণ বাহু। সুতরাং ত্রিভুজদ্বয় সর্বসম।



চিত্র ৮.২১

$\therefore \quad PN = QN$ এবং $OP = OQ$.

Q বিন্দুর অবস্থান চতুর্থ চতুর্ভাগে হওয়ায় এর কোটি ঋণাত্মক। সুতরাং Q বিন্দুর স্থানাঙ্ক $Q(x, -y)$। OQN সমকোণী ত্রিভুজের ক্ষেত্রে ON = ভূমি, QN = লম্ব এবং OQ = অতিভুজ = r (ধরি)।

তাহলে পূর্ববর্তী আলোচনা থেকে আমরা পাই,

$$\sin(-\theta)\ \frac{\text{লম্ব}}{\text{অতিভুজ}} = \frac{QN}{OQ} = \frac{-y}{r} = -\frac{PN}{OP} = -\sin\theta$$

$$\cos(-\theta)\ \frac{\text{ভূমি}}{\text{অতিভুজ}} = \frac{ON}{OQ} = \frac{x}{r} = \frac{ON}{OP} = \cos\theta$$

$$\tan(-\theta)\ \frac{\text{লম্ব}}{\text{ভূমি}} = \frac{QN}{ON} = \frac{-y}{r} = -\frac{PN}{ON} = -\tan\theta$$

একইভাবে, $\operatorname{cosec}(-\theta) = -\operatorname{cosec}\theta,\ \sec(-\theta) = \sec\theta,\ \cot(-\theta) = -\cot\theta.$

মন্তব্য : যেকোনো কোণ θ এর জন্য উপরিউক্ত সম্পর্কগুলো খাটে

উদাহরণ– ৭ : $\sin\left(-\frac{\pi}{6}\right) = -\sin\frac{\pi}{6},\ \cos\left(-\frac{\pi}{4}\right) = \cos\frac{\pi}{4},\ \tan\left(-\frac{\pi}{4}\right) = -\tan\frac{\pi}{4},$

$$\operatorname{cosec}\left(-\frac{\pi}{3}\right) = -\operatorname{cosec}\frac{\pi}{3},\ \sec\left(-\frac{\pi}{3}\right) = \sec\frac{\pi}{3},\ \cot\left(-\frac{\pi}{6}\right) = -\cot\frac{\pi}{6}.$$

৮.১৩ (ক)। $\left(\frac{\pi}{2} - \theta\right)$ কোণ বা পূরক কোণের ত্রিকোণমিতিক অনুপাতসমূহ $\left(0 < \theta < \frac{\pi}{2}\right)$.

ধরি, কোনো ঘূর্ণায়মান রশ্মি OA তার আদি অবস্থান OX থেকে ঘড়ির কাঁটার বিপরীত দিকে ঘুরে প্রথম চতুর্ভাগে $\angle XOA = \theta$ কোণ উৎপন্ন করে। আবার অপর একটি রশ্মি OA' আদি অবস্থান OX থেকে একইদিকে ঘুরে $\angle XOY = \frac{\pi}{2}$ কোণ উৎপন্ন করার পর OY অবস্থান থেকে ঘড়ির কাঁটার দিকে ঘুরে $\angle YOA' = -\theta$ কোণ উৎপন্ন করে (চিত্র : ৮.২২)।

তাহলে, $\angle XOA' = \frac{\pi}{2} + (-\theta) = \frac{\pi}{2} - \theta$

OP এবং OQ সমান দূরত্ব ধরে P ও Q বিন্দুদ্বয় থেকে OX এর উপর PM ও QN লম্বদ্বয় আঁকি।
এখন ΔPOM ও ΔQON সমকোণী ত্রিভুজদ্বয়ের $\angle OMP = \angle ONQ$, $\angle POM = \angle OQN$ এবং $OP = OQ$.

$\therefore$ ত্রিভুজদ্বয় সর্বসম।

$\therefore$ $ON = PM$ এবং $QN = OM$

এখন P(x,y) হলে

OM=x, PM=y

$\therefore$ON=y, QN=x

$\therefore$Q(y,x)

তাহলে ΔNOQ এর ক্ষেত্রে আমরা পাই,

$$\sin\left(\frac{\pi}{2}-\theta\right) = \frac{x}{r} = \cos\theta$$

$$\cos\left(\frac{\pi}{2}-\theta\right) = \frac{y}{r} = \sin\theta$$

$$\tan\left(\frac{\pi}{2}-\theta\right) = \frac{x}{y} = \cot\theta$$



চিত্র ৮.২২

একইভাবে, $\operatorname{cosec}\left(\frac{\pi}{2}-\theta\right) = \sec\theta$, $\sec\left(\frac{\pi}{2}-\theta\right) = \operatorname{cosec}\theta$

এবং $\cot\left(\frac{\pi}{2}-\theta\right) = \tan\theta$.

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

উদহরণ–৮ : $\sin\left(\frac{\pi}{3}\right) = \sin\left(\frac{\pi}{2}-\frac{\pi}{6}\right) = \cos\frac{\pi}{6}$

$$\tan\left(\frac{\pi}{6}\right) = \tan\left(\frac{\pi}{2}-\frac{\pi}{3}\right) = \cot\frac{\pi}{3}$$

$$\sec\left(\frac{\pi}{4}\right) = \sec\left(\frac{\pi}{2}-\frac{\pi}{4}\right) = \operatorname{cosec}\frac{\pi}{4}$$

লক্ষণীয় : θ এবং $\left(\frac{\pi}{2}-\theta\right)$ কোণ দুইটি পরস্পর পূরক *(Complement Angle)*। এদের একটির *sine* অপরটির *cosine*, একটির *tangent* অপরটির *cotangent* এবং একটির *secant* অপরটির *cosecant* এর সমান।

৮.১৩ (খ)। $\left(\frac{\pi}{2}+\theta\right)$ কোণের ত্রিকোণমিতিক অনুপাতসমূহ $\left(0 < \theta < \frac{\pi}{2}\right)$।

ধরি, ঘূর্ণায়মান রশ্মি OA এর আদি অবস্থান OX থেকে ঘড়ির কাঁটার বিপরীত দিকে ঘুরে প্রথম চতুর্ভাগে $\angle XOA = \theta$ এবং একই দিকে আরও ঘুরে $\angle AOA' = \frac{\pi}{2}$ কোণ উৎপন্ন করে (চিত্র ৮.২৩)। তাহলে, $\angle XOA = \angle YOA' = \theta$ এবং $\angle XOA' = \frac{\pi}{2} + \theta$ ।

মনে করি, OA রশ্মির ওপর $P(x, y)$ যেকোনো বিন্দু। OA' এর ওপর Q বিন্দুটি এমনভাবে নিই যেন $OP = OQ$ হয়। P ও Q বিন্দু থেকে x-অক্ষের ওপর PM ও QN লম্ব টানি।

$\therefore \quad \angle POM = \angle NQO = \angle YOQ = \theta$.

এখন সমকোণী ত্রিভুজ POM ও QON এর মধ্যে $\angle POM = \angle NQO$

$\angle PMO = \angle QNO$

এবং $OP = OQ = r$

$\therefore \quad \Delta POM$ ও ΔQON সর্বসম।

$\therefore$ ON = PM, QN = OM

এখন P (x, y) হলে

$\text{ON} = -\text{PM} = -y$

$\text{QN} = \text{OM} = x$

$\therefore$ Q বিন্দুর স্থানাঙ্ক $Q(-y, x)$

$\therefore$ আমরা পাই,



চিত্র ৮.২৩

$$\sin\left(\frac{\pi}{2}+\theta\right) = \frac{x}{r} = \cos\theta$$

$$\cos\left(\frac{\pi}{2}+\theta\right) = \frac{-y}{r} = -\frac{y}{r} = -\sin\theta$$

$$\tan\left(\frac{\pi}{2}+\theta\right) = \frac{x}{-y} = -\frac{x}{y} = -\cot\theta$$

একইভাবে,

$$\operatorname{cosec}\left(\frac{\pi}{2}+\theta\right) = \sec\theta\ , \quad \sec\left(\frac{\pi}{2}+\theta\right) = -\operatorname{cosec}\theta$$

এবং $\cot\left(\frac{\pi}{2}+\theta\right) = -\tan\theta$.

মন্তব্য : যেকোনো কোণ θ এর জন্য উপরি উক্ত সম্পর্কগুলো খাটে।

উদহরণ–৯ : $\sin\left(\frac{2\pi}{3}\right) = \sin\left(\frac{\pi}{2}+\frac{\pi}{6}\right) = \cos\frac{\pi}{6} = \frac{\sqrt{3}}{2}$

$$\cos\left(\frac{3\pi}{4}\right) = \cos\left(\frac{\pi}{2}+\frac{\pi}{4}\right) = -\sin\frac{\pi}{4} = -\frac{1}{\sqrt{2}}$$

$$\tan\left(\frac{5\pi}{6}\right)=\tan\left(\frac{\pi}{2}+\frac{\pi}{3}\right)=-\cot\frac{\pi}{3}=-\frac{1}{\sqrt{3}}$$

কাজ : $\sec\left(\frac{3\pi}{4}\right)$, $\operatorname{cosec}\left(\frac{5\pi}{6}\right)$ এবং $\cot\left(\frac{2\pi}{3}\right)$ এর মান নির্ণয় কর।

৮.১৪ (ক)। $(\pi+\theta)$ কোণের ত্রিকোণমিতিক অনুপাতসমূহ $\left(0<\theta<\frac{\pi}{2}\right)$

ধরি ঘূর্ণায়মান রশ্মি OA আদি অবস্থান OX থেকে ঘড়ির কাঁটার বিপরীত দিকে ঘুরে প্রথম চতুর্ভাগে $\angle XOA=\theta$ এবং একই দিকে আরও ঘুরে তৃতীয় চতুর্ভাগে $\angle AOA'=\pi$ কোণ উৎপন্ন করে (চিত্র : ৮.২৪)।
তাহলে $\angle XOA'=(\pi+\theta)$.

এখন OA রশ্মির ওপর যেকোনো বিন্দু P এবং OA' এর উপর Q বিন্দুটি এমনভাবে নিই যেন, $OP=OQ=r$ হয়।
P ও Q হতে x-অক্ষের উপর PM ও QN লম্ব টানি।
ΔPOM ও ΔQON সমকোণী ত্রিভুজদ্বয়ের মধ্যে $\angle OMP=\angle ONQ$, $\angle POM=\angle QON$ এবং $OP=OQ=r$ । সুতরাং ত্রিভুজদ্বয় সর্বসম।

$\therefore ON=OM, QN=PM$

এখন $P(x,y)$ হলে

$ON=-x, NQ=-y$

$\therefore Q(-x,-y)$

অর্থাৎ

$$\sin(\pi+\theta)=\frac{-y}{r}=-\frac{y}{r}=-\sin\theta$$

$$\cos(\pi+\theta)=\frac{-x}{r}=-\frac{x}{r}=-\cos\theta$$

$$\tan(\pi+\theta)=\frac{-y}{-x}=\frac{y}{x}=\tan\theta$$



চিত্র ৮.২৪

অনুরূপভাবে,

$\operatorname{cosec}(\pi+\theta)=-\operatorname{cosec}\theta$, $\sec(\pi+\theta)=-\sec\theta$ এবং $\cot(\pi+\theta)=\cot\theta$.

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

উদাহরণ–১০ : $\sin\left(\frac{4\pi}{3}\right)=\sin\left(\pi+\frac{\pi}{3}\right)=-\sin\frac{\pi}{3}=-\frac{\sqrt{3}}{2}$

$$\cos\left(\frac{5\pi}{4}\right)=\cos\left(\pi+\frac{\pi}{4}\right)=-\cos\frac{\pi}{4}=-\frac{1}{\sqrt{2}}$$

$$\tan\left(\frac{7\pi}{6}\right)=\tan\left(\pi+\frac{\pi}{6}\right)=\tan\frac{\pi}{6}=\frac{1}{\sqrt{3}}$$

কাজ : $\sec\left(\frac{4\pi}{3}\right)$, $\cos ec\left(\frac{5\pi}{4}\right)$ এবং $\cot\left(\frac{7\pi}{6}\right)$ এর মান নির্ণয় কর।

৮.১৪ (খ)। $(\pi-\theta)$ কোণের ত্রিকোণমিতিক অনুপাতসমূহ $\left(0<\theta<\frac{\pi}{2}\right)$।

ধরি, ঘূর্ণায়মান রশ্মি OA আদি অবস্থান OX থেকে ঘড়ির কাঁটার বিপরীত দিকে ঘুরে $\angle XOA=\theta$ কোণ উৎপন্ন করে। রশ্মিটি একই দিকে আরও ঘুরে $\angle XOX'=\pi$ কোণ উৎপন্ন করার পর OX' থেকে ঘড়ির কাঁটার দিকে ঘুরে $\angle X'OA'=-\theta$ কোণ উৎপন্ন করে (চিত্র : ৮.২৫)।

তাহলে $\angle XOA'=\pi+(-\theta)=\pi-\theta$.

OA রশ্মির উপর P যেকোনো বিন্দু এবং OA' রশ্মির উপর θ যেকোনো বিন্দু নিই যেন $OP=OQ=r$

এখন ΔOMP ও ΔONQ সমকোণী ত্রিভুজদ্বয়ের মধ্যে $\angle OMP=\angle ONQ,\ \angle POM=\angle QON$

এবং $OP=OQ=r$

সুতরাং ত্রিভুজদ্বয় সর্বসম।

$ON=OM$

$QN=PM$

এখন $P(x,y)$ হলে

$OM=x,\ PM=y$

$\therefore ON=-x,\ NQ=y$

$\therefore$ Q বিন্দুর স্থানাঙ্ক $Q(-x,\ y)$.



চিত্র : ৮.২৫

তাহলে, আমরা পাই,

$$\sin(\pi-\theta)=\frac{y}{r}=\sin\theta$$

$$\cos(\pi-\theta)=\frac{-x}{r}=-\frac{x}{r}=-\cos\theta$$

$$\tan(\pi-\theta)=\frac{y}{-x}=-\frac{y}{x}=-\tan\theta$$

অনুরূপভাবে,

$\cos ec(\pi-\theta)=\cos ec\theta$, $\sec(\pi-\theta)=-\sec\theta$ এবং $\cot(\pi-\theta)=-\cot\theta$.

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

উদাহরণ–১১ : $\sin\left(\frac{2\pi}{3}\right)=\sin\left(\pi-\frac{\pi}{3}\right)=\sin\frac{\pi}{3}=\frac{\sqrt{3}}{2}$

$$\cos\left(\frac{3\pi}{4}\right)=\cos\left(\pi-\frac{\pi}{4}\right)=-\cos\frac{\pi}{4}=-\frac{1}{\sqrt{2}}$$

$$\tan\left(\frac{5\pi}{6}\right)=\tan\left(\pi-\frac{\pi}{6}\right)=-\tan\frac{\pi}{6}=-\frac{1}{\sqrt{3}}$$

কাজ : $\operatorname{cos}ec\left(\frac{3\pi}{4}\right)$, $\sec\left(\frac{5\pi}{6}\right)$ এবং $\cot\left(\frac{2\pi}{3}\right)$ এর মান নির্ণয় কর।

লক্ষণীয় : θ এবং $(\pi-\theta)$ কোণ দুইটি পরস্পর সম্পূরক। সম্পূরক কোণের $\sin e$ ও $\cos ecant$ সমান ও একই চিহ্নবিশিষ্ট। কিন্তু *cosine, secant, tangent* ও *cotangent* সমান ও বিপরীত চিহ্নবিশিষ্ট।

৮.১৫। $\left(\frac{3\pi}{2}-\theta\right)$ কোণের ত্রিকোণমিতিক অনুপাতসমূহ $\left(0<\theta<\frac{\pi}{2}\right)$।

পূর্ববর্তী আলোচনার ৮.১৩ (ক) ও ৮.১৪ (ক) ব্যবহার করে পাওয়া যায়

$$\sin\left(\frac{3\pi}{2}-\theta\right)=\sin\left\{\pi+\left(\frac{\pi}{2}-\theta\right)\right\}=-\sin\left(\frac{\pi}{2}-\theta\right)=-\cos\theta$$

$$\cos\left(\frac{3\pi}{2}-\theta\right)=\cos\left\{\pi+\left(\frac{\pi}{2}-\theta\right)\right\}=-\cos\left(\frac{\pi}{2}-\theta\right)=-(\sin\theta)=-\sin\theta$$

$$\tan\left(\frac{3\pi}{2}-\theta\right)=\tan\left\{\pi+\left(\frac{\pi}{2}-\theta\right)\right\}=\tan\left(\frac{\pi}{2}-\theta\right)=-\cot\theta$$

অনুরূপভাবে,

$$\cos ec\left(\frac{3\pi}{2}-\theta\right)=-\sec\theta$$

$$\sec\left(\frac{3\pi}{2}-\theta\right)=-\cos ec\theta$$

$$\cot\left(\frac{3\pi}{2}-\theta\right)=\tan\theta\ .$$

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

৮.১৬ (ক)। $(2\pi-\theta)$ কোণের ত্রিকোণমিতিক অনুপাতসমূহ $\left(0<\theta<\frac{\pi}{2}\right)$

প্রমিত বা আদর্শ অবস্থানে $(2\pi-\theta)$ কোণের অবস্থান চতুর্থ চতুর্থভাগে থাকে এবং $(-\theta)$ কোণের সাথে মিলে যায়। তাই $(-\theta)$ ও $(2\pi-\theta)$ কোণের ত্রিকোণমিতিক অনুপাত সমান।

$$\therefore\quad \sin(2\pi-\theta)=\sin(-\theta)=-\sin\theta$$

$$\cos(2\pi-\theta)=\cos(-\theta)=\cos\theta$$

$$\tan(2\pi-\theta)=\tan(-\theta)=-\tan\theta$$

$$\cos ec(2\pi-\theta)=\cos ec(-\theta)=-\cos ec\theta$$

$$\sec(2\pi-\theta)=\sec(-\theta)=\sec\theta$$

এবং $\cot(2\pi-\theta)=\cot(-\theta)=-\cot\theta$

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

৮.১৬ (খ)। $(2\pi+\theta)$ কোণের ত্রিকোণমিতিক অনুপাতসমূহ $\left(O<\theta<\frac{\pi}{2}\right)$

প্রমিত বা আদর্শ অবস্থানে $(2\pi+\theta)$ কোণের অবস্থান প্রথম চতুর্ভাগে থাকায় θ কোণের ও $(2\pi+\theta)$ কোণের অনুপাতসমূহ একই হবে।

সুতরাং

$$\sin(2\pi+\theta)=\sin\theta,\ \cos(2\pi+\theta)=\cos\theta$$
$$\tan(2\pi+\theta)=\tan\theta,\ \operatorname{cos}ec(2\pi+\theta)=\operatorname{cos}ec\theta$$
$$\sec(2\pi+\theta)=\sec\theta,\ \cot(2\pi+\theta)=\cot\theta\ .$$

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

৮.১৬ (গ) $\left(\frac{3\pi}{2}+\theta\right)$ কোণের ত্রিকোনোমিতিক অনুপাত সমূহ $(0<\theta<\frac{\pi}{2})$

$\left(\frac{3\pi}{2}+\theta\right)$ কোণের জন্য

$\frac{3\pi}{2}+\theta=2\pi-(\frac{\pi}{2}-\theta)$

সুতরাং $\text{Sin}\ (\frac{3\pi}{2}+\theta)=\text{Sin}\ \{2\pi-(\frac{\pi}{2}-\theta)\}$

$=-\sin\ (\frac{\pi}{2}-\theta)\ =-\cos\theta$

$\therefore\ \sin\ (\frac{3\pi}{2}+\theta)=-\cos\theta$

$\cos\ (\frac{3\pi}{2}+\theta)=\text{Cos}\ (\frac{\pi}{2}-\theta)=\text{Sin}\theta$

$\tan\ (\frac{3\pi}{2}+\theta)=-\tan\ (\frac{\pi}{2}-\theta)\ =-\cot\theta$

অনুরূপে $\text{cosec}(\frac{3\pi}{2}+\theta)=-\sec\theta$

$\sec\ (\frac{3\pi}{2}+\theta)=\text{cosec}\,\theta$

$\cot\ (\frac{3\pi}{2}+\theta)=-\tan\theta$

মন্তব্য: যেকোনো কোণ θ এর জন্য উপরিউক্ত সম্পর্কগুলো খাটে।

৮.১৭। যেকোনো কোণের অর্থাৎ, $\left(n\times\frac{\pi}{2}\pm\theta\right)$ কোণের ত্রিকোণমিতিক অনুপাতসমূহ নির্ণয়ের পদ্ধতি $\left(0<\theta<\frac{\pi}{2}\right)$।

নিম্নোক্ত পদ্ধতিতে যে কোনো ত্রিকোণমিতিক কোণের অনুপাতসমূহ নির্ণয় করা যায়।

ধাপ ১ : (ক) প্রথমে প্রদত্ত কোণকে দুইভাগে ভাগ করতে হবে যার একটি অংশ $\frac{\pi}{2}$ বা $\frac{\pi}{2}$ এর n গুণিতক এবং অপরটি সূক্ষ্মকোণ। অর্থাৎ প্রদত্ত কোণকে $\left(n\times\frac{\pi}{2}\pm\theta\right)$ আকারে প্রকাশ করতে হবে।

ধাপ ২ : n জোড় সংখ্যা হলে অনুপাতের ধরণ একই থাকবে অর্থাৎ $\sin e$ অনুপাত $\sin e$ থাকবে, $\cos ine$ অনুপাত $\cos ine$ থাকবে ইত্যাদি।

n বিজোড় হলে *sine*, *tangent* ও *secant* অনুপাতগুলো *cosine*, *cotangent* ও *cosecant* এ পরিবর্তিত হবে। একইভাবে, *cosine*, *cotangent* ও *cotangent* যথাক্রমে *sine*, *tangent* ও *secant* এ পরিবর্তিত হবে।

ধাপ ৩ : $\left(n\times\frac{\pi}{2}\pm\theta\right)$ কোণের অবস্থান কোণ চতুর্ভাগে সেটা জানার পর ঐ চতুর্ভাগে প্রদত্ত অনুপাতের যে চিহ্ন সেই চিহ্ন ধাপ–২ থেকে নিরূপিত অনুপাতের পূর্বে বসাতে হবে।

বি.দ্র.: ৮.১৭ থেকে বর্ণিত পদ্ধতির সাহায্যে যেকোনো ত্রিকোণমিতিক অনুপাত নির্ণয় সম্ভব বলে শিক্ষার্থীদের এই পদ্ধতিতে ত্রিকোণমিতিক অনুপাত নির্ণয়ের জন্য উপদেশ দেওয়া হলো।

উদাহরণ–১২ : $\sin\left(\frac{9\pi}{2}+\theta\right)$ কোণের ক্ষেত্রে $n=9$ একটি বিজোড় সংখ্যা। তাই $\sin$ পরিবর্তিত হয়ে $\cos$ হবে। আবার, $\left(9\cdot\frac{\pi}{2}+\theta\right)$ দশম বা দ্বিতীয় চতুর্ভাগে থাকে ফলে $\sin$ এর চিহ্ন ধনাত্মক।

$$\therefore\ \sin\left(\frac{9\pi}{2}+\theta\right)=\cos\theta\,.$$

$\sin\left(\frac{9\pi}{2}-\theta\right)$ এর ক্ষেত্রে $n=9$ বিজোড় এবং $\left(\frac{9\pi}{2}-\theta\right)$ নবম বা প্রথম চতুর্ভাগে থাকায় $\sin$ এর চিহ্ন ধনাত্মক।

$$\therefore\ \sin\left(\frac{9\pi}{2}-\theta\right)=\cos\theta\,.$$

$\tan\left(\frac{9\pi}{2}+\theta\right)$ এর ক্ষেত্রে $n=9$ বিজোড় বলে $\tan$ হবে $\cot$ এবং $\left(\frac{9\pi}{2}+\theta\right)$ দশম বা দ্বিতীয় চতুর্ভাগে থাকায় $\tan$ এর চিহ্ন ঋণাত্মক।

$$\therefore\ \tan\left(\frac{9\pi}{2}+\theta\right)=-\cot\theta\,.$$

একইভাবে, $\tan\left(\frac{9\pi}{2}-\theta\right)=\cot\theta$

কাজ : $\sin\left(\frac{11\pi}{2}\pm\theta\right)$, $\cos(11\pi\pm\theta)$, $\tan\left(17\frac{\pi}{2}\pm\theta\right)$, $\cot(18\pi\pm\theta)$, $\sec\left(\frac{19\pi}{2}\pm\theta\right)$, এবং $\operatorname{cosec}(8\pi\pm\theta)$ অনুপাতসমূহকে θ কোণের অনুপাতে প্রকাশ কর।

৮.১৮। কতিপয় উদাহরণ :

উদাহরণ ১৩। $(i)\ \sin(10\pi+\theta)$, $(ii)\ \cos\left(\frac{19\pi}{3}\right)$

$(iii)\ \tan\left(\frac{11\pi}{6}\right)$, $(iv)\ \cot\left(\theta-\frac{9\pi}{2}\right)$ ও

$(v)\ \sec\left(-\frac{17\pi}{2}\right)$ এর মান নির্ণয় কর।

সমাধান : $(i)\ \sin(10\pi+\theta)=\sin\left(20\times\frac{\pi}{2}+\theta\right)$

এখানে, $n=20$ এবং $\sin\left(20\times\frac{\pi}{2}+\theta\right)$

কোণটি ২১তম বা প্রথম চতুর্ভাগে অবস্থিত।

$\therefore\ \sin(10\pi+\theta)=\sin\theta$.

$$(ii)\ \cos\left(\frac{19\pi}{3}\right)=\cos\left(6\pi+\frac{\pi}{3}\right)$$

$$=\cos\left(12\times\frac{\pi}{2}+\frac{\pi}{3}\right)$$

এখানে $n=12$ এবং $\frac{19\pi}{3}$ প্রথম চতুর্ভাগে অবস্থিত।

$$\therefore\ \cos\left(\frac{19\pi}{3}\right)=\cos\frac{\pi}{3}=\frac{1}{2}.$$

$$(iii)\ \tan\left(\frac{11\pi}{6}\right)=\tan\left(2\pi-\frac{\pi}{6}\right)$$

$$=\tan\left(4\times\frac{\pi}{2}-\frac{\pi}{6}\right)$$

$=-\tan\frac{\pi}{6}$ [$n=4$ ও চতুর্থ চতুর্ভাগ]

$$=-\frac{1}{\sqrt{3}}.$$

$$(iv)\ \cot\left(\theta-\frac{9\pi}{2}\right)=\cot\left\{-\left(\frac{9\pi}{2}-\theta\right)\right\}$$

$$=-\cot\left(\frac{9\pi}{2}-\theta\right)$$

$$=-\cot\left(9\times\frac{\pi}{2}-\theta\right)$$

$$=-(-\tan\theta)$$

$= \tan\theta \qquad [n=9,\ \frac{9\pi}{2}-\theta$ এর অবস্থান ১ম চতুর্ভাগে]

$(v)\ \sec\left(-\frac{17\pi}{2}\right) = \sec\left(\frac{17\pi}{2}\right) \quad [\because \sec(-\theta) = \sec\theta]$

$= \sec\left(17\times\frac{\pi}{2}+0\right)$

$= \cos ec 0 \quad [n=17, \frac{17\pi}{2},\ y$ অক্ষে উপর]

= (অসংজ্ঞায়িত)

উদাহরণ–১৪ : মান নির্ণয় কর :

$$\sin\frac{11}{90}\pi + \cos\frac{1}{30}\pi + \sin\frac{101}{90}\pi + \cos\frac{31}{30}\pi + \cos\frac{5}{3}\pi$$

সমাধান : $(i)\ \sin\frac{11}{90}\pi + \cos\frac{1}{30}\pi + \sin\frac{101}{90}\pi + \cos\frac{31}{30}\pi + \cos\frac{5}{3}\pi$

$$= \sin\frac{22\pi}{180} + \cos\frac{6}{180}\pi + \sin\frac{202}{180}\pi + \cos\frac{186}{180}\pi + \cos\frac{300}{180}\pi$$

$$= \sin\frac{22}{180}\pi + \cos\frac{6}{180}\pi + \sin\left(\pi + \frac{22}{180}\pi\right) + \cos\left(\pi + \frac{6}{180}\pi\right) + \cos\left(2\pi - \frac{60}{180}\pi\right)$$

$$= \sin\frac{22}{180}\pi + \cos\frac{6}{180}\pi - \sin\frac{22}{180}\pi - \cos\frac{6}{180}\pi + \cos\frac{60}{180}\pi$$

$$= \cos\frac{\pi}{3}$$

$$= \frac{1}{2}.$$

> **কাজ :** মান নির্ণয় করা
>
> $$Cos^2\frac{\pi}{15} + Cos^2\frac{13\pi}{30} + Cos^2\frac{16\pi}{15} + Cos^2\frac{47\pi}{30}$$

উদাহরণ ১৫। $\tan\theta = \frac{5}{12}$ এবং $\cos\theta$ ঋণাত্মক হলে, প্রমাণ কর যে, $\frac{\sin\theta + \cos(-\theta)}{\sec(-\theta) + \tan\theta} = \frac{51}{26}$

প্রমাণ : $\tan\theta = \frac{5}{12}$ এবং $\cos\theta$ ঋণাত্মক হওয়ায় θ কোণের অবস্থান তৃতীয় চতুর্ভাগে।

অর্থাৎ, $\tan\theta = \frac{5}{12} = \frac{-5}{-12} = \frac{y}{x}$

$\therefore\ x = -12,\ y = -5$

$\therefore\ r = \sqrt{x^2+y^2} = \sqrt{(-12)^2 + (-5)^2} = \sqrt{144+25}$

$= \sqrt{169} = 13$

$\therefore \ \sin\theta = \dfrac{-y}{r} = -\dfrac{5}{13}$

$\cos\theta = \dfrac{-x}{r} = -\dfrac{-12}{13}$ এবং $\sec\theta = \dfrac{1}{\cos\theta} = -\dfrac{13}{12}$

$\therefore \ \dfrac{\sin\theta + \cos(-\theta)}{\sec(-\theta) + \tan\theta} = \dfrac{\sin\theta + \cos\theta}{\sec\theta + \tan\theta}$ $[\because \sin(-\theta) = \cos\theta, \ \sec(-\theta) = \sec\theta\ ]$

$= \dfrac{-\dfrac{5}{13} - \dfrac{12}{13}}{-\dfrac{13}{12} + \dfrac{5}{12}} = \dfrac{-\dfrac{17}{13}}{-\dfrac{8}{12}} = \dfrac{17}{13} \times \dfrac{12}{8} = \dfrac{51}{26}$ [প্রমাণিত]।

উদাহরণ–১৬ : $\tan\theta = -\sqrt{3}, \ \dfrac{\pi}{2} < \theta < 2\pi$ হলে θ এর মান কত ?

সমাধান : $\tan\theta$ এর ঋণাত্মক হওয়ায় θ এর অবস্থান দ্বিতীয় বা চতুর্থ চতুর্ভাগে থাকবে।

দ্বিতীয় চতুর্ভাগে $\tan\theta = -\sqrt{3} = \tan\left(\pi - \dfrac{\pi}{3}\right)$

$= \tan\dfrac{2\pi}{3}$

$\therefore \ \theta = \dfrac{2\pi}{3}$

এটি গ্রহণযোগ্য মান। কারণ $\dfrac{\pi}{2} < \theta < 2\pi$.

আবার, চতুর্থ চতুর্ভাগে $\tan\theta = -\sqrt{3} = \tan\left(2\pi - \dfrac{\pi}{3}\right)$

$= \tan\dfrac{5\pi}{3}$

$\therefore \ \theta = \dfrac{5\pi}{3}$, যা $\dfrac{\pi}{2} < \theta < 2\pi$ শর্ত পালন করে।

$\therefore \ \theta$ এর নির্ণয় মান, $\dfrac{2\pi}{3}$ ও $\dfrac{5\pi}{3}$.

উদাহরণ–১৭ : সমাধান কর $\left(O < \theta < \dfrac{\pi}{2}\right)$:

$\sin\theta + \cos\theta = \sqrt{2}$

সমাধান : $\sin\theta + \cos\theta = \sqrt{2}$

বা, $\sin\theta = \sqrt{2} - \cos\theta$

বা, $\sin^2\theta = 2 - 2\sqrt{2}\cos\theta + \cos^2\theta$

বা, $1 - \cos^2\theta = 2 - 2\sqrt{2}\cos\theta + \cos^2\theta$

বা, $2\cos^2\theta - 2\sqrt{2}\cos\theta + 1 = 0$

বা, $\left(\sqrt{2}\cos\theta - 1\right)^2 = 0$

বা, $\sqrt{2}\cos\theta - 1 = 0$

বা, $\cos\theta = \dfrac{1}{\sqrt{2}} = \cos\dfrac{\pi}{4}$

$\therefore\ \theta = \dfrac{\pi}{4}.$

$\therefore$ নির্ণেয় সমাধান $\theta = \dfrac{\pi}{4}.$

উদাহরণ–১৮ : $0 < \theta < 2\pi$ ব্যবধিতে সমীকরণটির সমাধান নির্ণয় কর :

$$\sin^2\theta - \cos^2\theta = \cos\theta$$

সমাধান : (i) $\sin^2\theta - \cos^2\theta = \cos\theta$

বা, $1 - \cos^2\theta - \cos^2\theta = \cos\theta$

বা, $1 - 2\cos^2\theta - \cos\theta = 0$

বা, $2\cos^2\theta + \cos\theta - 1 = 0$

বা, $(2\cos\theta - 1)(\cos\theta + 1) = 0$

$\therefore\ 2\cos\theta - 1 = 0$ অথবা $\cos\theta + 1 = 0$

অর্থাৎ, $\cos\theta = \dfrac{1}{2}$ অথবা $\cos\theta = -1$

অর্থাৎ, $\cos\theta = \cos\dfrac{\pi}{3}$ অথবা $\cos\theta = \cos\pi$

$\therefore\ \theta = \dfrac{\pi}{3},\ \pi.$

যেহেতু $0 < \theta < 2\pi$ সেহেতু উভয় মান গ্রহণযোগ্য।

নির্ণেয় সমাধান : $\theta = \dfrac{\pi}{3},\ \pi.$

কাজ : $2(Sin\theta\ Cos\theta + \sqrt{3}) = \sqrt{3}Cos\theta + 4Sin\theta$ সমীকরণটি সমাধান কর যেখানে $0 < \theta < 2\pi$

অনুশীলনী ৮·৩

১। $\sin A = \dfrac{1}{\sqrt{2}}$ হলে $\sin 2A$ এর মান কত ?

ক. $\dfrac{1}{\sqrt{2}}$ খ. $\dfrac{1}{2}$

গ. 1 ঘ. $\sqrt{2}$

২। -300^0 কোনটি কোন্ চতুর্থভাগে থাকবে ?

ক. প্রথম খ. দ্বিতীয়

গ. তৃতীয় ঘ. চতুর্থ

৩। $\sin\theta + \cos\theta = 1$ হলে θ এর মান হবে–

i 0^0

ii 30^0

iii 90^0

নিচের কোনটি সঠিক ?

ক. i খ. ii

গ. i ও ii ঘ. i ও ii

৪. উপরের চিত্র অনুসারে



(i) $\tan\theta = \frac{4}{3}$

(ii) $\sin\theta = \frac{5}{3}$

(iii) $\cos^2\theta = \frac{9}{25}$

নিচের কোনটি সঠিক?

ক) i ও ii (খ) i ও iii (গ) ii ও iii (ঘ) i , ii ও iii

নিচের চিত্রের আলোকে ৫ নং ও ৬ নং প্রশ্নের উত্তর দাও :



৫। $\sin B + \cos C =$ কত ?

ক. $\frac{2b}{a}$ খ. $\frac{2a}{b}$

গ. $\frac{a^2+b^2}{ab}$ ঘ. $\frac{ab}{a^2+b^2}$

৬. $\tan B$ এর মান কোন্‌টি ?

ক. $\frac{a}{a^2-b^2}$ খ. $\frac{b}{a^2-b^2}$

গ. $\frac{a}{\sqrt{a^2-b^2}}$ ঘ. $\frac{b}{\sqrt{a^2-b^2}}$

৭। মান নির্ণয় কর :

(*i*) $\sin 7\pi$ (*ii*) $\cos\frac{11\pi}{2}$ (*iii*) $\cot 11\pi$ (*iv*) $\tan\left(-\frac{23\pi}{6}\right)$

(*v*) $\operatorname{cosec}\frac{19\pi}{3}$ (*vi*) $\sec\left(-\frac{25\pi}{2}\right)$ (*vii*) $\sin\frac{31\pi}{6}$ (*viii*) $\cos\left(-\frac{25\pi}{6}\right)$

৮। প্রমাণ কর যে,

(*i*) $\cos\frac{17\pi}{10}+\cos\frac{13\pi}{10}+\cos\frac{9\pi}{10}+\cos\frac{\pi}{10}=0$

(*ii*) $\tan\frac{\pi}{12}\ \tan\frac{5\pi}{12}\ \tan\frac{7\pi}{12}\ \tan\frac{11\pi}{12}=1$

(*iii*) $\sin^2\frac{\pi}{7}+\sin^2\frac{5\pi}{14}+\sin^2\frac{8\pi}{7}+\sin^2\frac{9\pi}{14}=2$

(*iv*) $\sin\frac{7\pi}{3}\cos\frac{13\pi}{6}-\cos\frac{5\pi}{3}\sin\frac{11\pi}{6}=1$

(*v*) $\sin\frac{13\pi}{3}\cos\frac{13}{6}\pi-\sin\frac{11\pi}{6}\cos\left(-\frac{5\pi}{3}\right)=1$

(*vi*) $\tan\theta=\frac{3}{4}$ এবং $\sin\theta$ ঋণাত্মক হলে দেখাও যে, $\frac{\sin\theta+\cos\theta}{\sec\theta+\tan\theta}=\frac{14}{5}$.

৯। মান নির্ণয় কর :

(*i*) $\cos\frac{9\pi}{4}+\cos\frac{5\pi}{4}+\sin\frac{31\pi}{36}-\sin\frac{5\pi}{36}$

(*ii*) $\cot\frac{\pi}{20}\cot\frac{3\pi}{20}\cot\frac{5\pi}{20}\cot\frac{7\pi}{20}\cot\frac{9\pi}{20}$

(*iii*) $\sin^2\frac{\pi}{4}+\sin^2\frac{3\pi}{4}+\sin^2\frac{5\pi}{4}+\sin^2\frac{7\pi}{4}$

(*iv*) $\cos^2\frac{\pi}{8}+\cos^2\frac{3\pi}{8}+\cos^2\frac{5\pi}{8}+\cos^2\frac{7\pi}{8}$

(*v*) $\sin^2\frac{17\pi}{18}+\sin^2\frac{5\pi}{18}+\cos^2\frac{37\pi}{18}+\cos^2\frac{3\pi}{8}$

১০। $\theta=\frac{\pi}{3}$ হলে নিম্নোক্ত অভেদসমূহ যাচাই কর :

(*i*) $\sin 2\theta=2\sin\theta\cos\theta=\frac{2\tan\theta}{1+\tan^2\theta}$

(*ii*) $\sin 3\theta=3\sin\theta-4\sin^3\theta$

(*iii*) $\cos 3\theta=4\cos^3\theta-3\cos\theta$

(*iv*) $\tan 2\theta=\frac{2\tan\theta}{1-\tan^2\theta}$

১১। প্রদত্ত শর্ত পূরণ করে α (আলফা) এর মান নির্ণয় কর :

(*i*) $\cot\alpha=-\sqrt{3};\frac{3\pi}{2}<\alpha<2\pi$

(*ii*) $\cos\alpha=-\frac{1}{2};\ \frac{\pi}{2}<\alpha<\frac{3\pi}{2}$

(*iii*) $\sin\alpha = -\frac{\sqrt{3}}{2};\ \frac{\pi}{2} < \alpha < \frac{3\pi}{2}$

(*iv*) $\cot\alpha = -1;\ \pi < \alpha < 2\pi$

১২। সমাধান কর : $\left(\text{যখন}\, 0 < \theta < \frac{\pi}{2}\right)$

(*i*) $2\cos^2\theta = 1 + 2\sin^2\theta$

(*ii*) $2\sin^2\theta - 3\cos\theta = 0$

(*iii*) $6\sin^2\theta - 11\sin\theta + 4 = 0$

(*iv*) $\tan\theta + \cot\theta = \frac{4}{\sqrt{3}}$

(*v*) $2\sin^2\theta + 3\cos\theta = 3$

১৩। সমাধান কর : (যখন $0 < \theta < 2\pi$)

(*i*) $2\sin^2\theta + 3\cos\theta = 0$

(*ii*) $4(\cos^2\theta + \sin\theta) = 5$

(*iii*) $\cot^2\theta + \operatorname{cosec}^2\theta = 3$

(*iv*) $\tan^2\theta + \cot^2\theta = 2$

(*v*) $\sec^2\theta + \tan^2\theta = \frac{5}{3}$

(*vi*) $5\operatorname{cosec}^2\theta - 7\cot\theta\operatorname{cosec}\theta - 2 = 0$

(*vii*) $2\sin x\cos x = \sin x\ \ (0 \le x \le 2\pi)$.

১৪।



ক. চিত্রে ABC একটি বৃত্তাকার চাকা এবং চাকাটির AB চাপের দৈর্ঘ্য 25 সে.মি. হলে θ = কত ? চাকাটি 1 বার ঘুরে কত মিটার দূরত্ব অতিক্রম করবে ?

খ. ABC চাকাটি প্রতি সেকেন্ডে 5 বার আবর্তিত হলে চাকাটির গতিবেগ ঘণ্টায় কত হবে ?

গ. চিত্রে ΔBOD হলে $\sin\theta$ এর মান ব্যবহার করে প্রমাণ কর যে, $\tan\theta + \sec\theta = x$

১৫।



ক. চিত্রে O, বৃত্তের কেন্দ্র হলে $\angle B$ এর বৃত্তীয়মান এবং AC নির্ণয় কর।

খ. প্রমাণ কর যে, tanA + tanB + tanC + tanD = O

গ. $\sec\theta + \cos\theta = þ$ হলে þ এর মান নির্ণয় কর এবং সমীকরণটি সমাধান কর।